

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vier Predigten Martini Luthers ...

Luther, Martin

Wittenberg, 1546

urn:nbn:de:bsz:31-62188




59 A 3251

RE

Beibände:

- 1) Luther / Martin / Warnunge... an seine lieben Deutschen..., 1546.
- 2) " " / Das zwelffte Capitel Danielis ..., 1546.
- 3) " " / Vier Predigten ... vor s. abchied aus dies. Leben, 1546.
- 4) Jonas / Justus / Vom christl. abchied aus dies. trödl. Leben ..., 1546.
- 5) Buzenhagen / Joh. / Eine christl. Predigt über d. Leich... M. Luthers, 1546.
- 6) Melanchthon / Ph. / Oratio über der Leich M. Luthers ..., 1546.
- 7) Epitaphium Des Ehrwürdigen Herrn ... M. Luthers..., [1546?].
- 8) Stigelius / Johann / als wir sanct M. Lutherr ..., 1546.
- 9) Scharschmied / Franc. / Historia Vom Christl. Wandel... M. Lutheri... 1546.
- 10) Jonas / Justus / Zwei Trödl. Predigt über d. Leich M. Luthers..., 1546.
- 11) Menius / Justus / Ein trödl. Predigt über d. Leich... Fr. Mecums, 1546.

3



Zier Predig-

ten des Ehrwürdigen Herrn D.
Martini Luthers / zu Eisle-
ben vor seinem abschied
aus diesem leben
gethan.

Gedruckt zu Wittenberg
durch Hans Lufft/

1546.



AK

an 59 A 3251



0471

2A



Den wolgebornen

vnd Edelen Herrn / Herrn Albrechten vnd
Johans Georgen / gewettern / Grauen vnd
Herrn zu Mansfeldt / vnd Edelen
Herrn zu Heldrungen / meis-
nen gnedigen
Herrn.



Gottes gnad vnd frid
durch Christum Ihe-
sum vnsern Heiland/
Amen. Wolgeborne
vnd Edle Grafen/
gnedige Herrn / Ich
habe zum offtermal
von dem Ehrwirdis-
gen Herrn D. Martino Luthero seliger ge-
dechnis / zu Wisleben nehest gehört / Das
er sagte / Er were darumb von Wittem-
berg auff L. G. erfodderung ausgezo-
gen / das er von teglicher arbeit vnd an-
A ij lauffen

lauffen/ ein wenig ruhe haben/ zu Wisleben
nur predigen/beten/vnd seine Landesherrn
zur einigkeit vnd fried vermanen wolte.

Dieweil er denn dasselbig durch verlei-
hung Göttlicher gnade reichlich gethan /
Auch etliche schöne tröstliche Predigten
vor seinem ende alda in gegenwertigkeit
K. G. gethan / die ich zur selbigen zeit in eil
auffs beste als ich vermocht / auffgeschrie-
ben/ vnd auff K. G. vnd sonst auch vieler
ander begeren/ in druck itzt hab ausgehen
lassen.

Vnd nach dem diese die letzten
Predigten sind des Ehrwürdigen Herrn
D. Martini Lutheri / die billich als ein be-
stendig zeugnis seiner Lere mögen gehalten
werden / Vnd das er in seinem befohlenen
amt nicht senmig gewesen / vnd sein
psund / das im von Gott gegeben/ nicht
vergraben / sondern bis in seinen abschied
treulich dem Herrn Christo gedienet / seit
Wort geleret vnd gepredigt. Vnd sich
dem selben HERRN Christo (den er zuvor
für

für aller Welt bekandt) auch endlich in
seine hende befolhen/ wie **L. G.** solches
selbst angehort.

Derhalben weil **L. G.** dieses seligen
Mans Gottes/ lere vnd auch Christlichen
abscheids/ aus diesem Jamerthal/ zeugen
sind / so hab ich **L. G.** diese vier seine letz-
ten Predigten/ so ich aus gedachtem Herrn
Doctors mund auffgezeichnet / vnd auch
alhie zu Wittenberg mit vleis zuge-
richt sind / zuschreiben / vnd vnter **L. G.**
namen vnd titel wollen ausgehen lassen/
vntertheniglich bittend / **L. G.** wolle sol-
ches zu gnedigem wolgefallen annemen.
Das wil ich nach meinem höchsten ver-
mögen vmb **L. G.** mit meinen schuldigen
vnd allezeit bereiten dienften / zu verschul-
den gantz willig vnd bevlissen befunden
werden.

Hiemit befehl ich **L. G.** in den gnas-
denreichen schutz Gottes des allmechtis-
gen / Welcher **L. G.** mit langem leben
fristen wolle / vnd **L. G.** seinen heiligen
Geist verleihen / das die selbigen irem Land
A iij de vnd

de vnd Herrschafften zu Gottes lob vnd
ehre / vnd zu der Vnterthanen wolfart
vnd gedeien / gluckseliglich vnd wol vor
sehen könne.

Gegeben zu Wittenberg am XX. tag
Junij / Anno / M. D. XLVI.

E. G.

williger Diener

Johannes Aurifaber
Vinariensis.



BLB

Badische Landesbibliothek
Karlsruhe

Euangelium auff
den vierden Sontag nach
Epiphanie.

Matth. VIII.



Vnd Ihesus trat
in das Schiff/
vnd seine Zün-
ger folgten jm.
Vnd sihe / da
erhub sich ein
gros Ungestüm im Meer / also
das auch das Schifflin mit wel-
len bedeket ward / Vnd er
schlieff.

Vnd die Zünger tratten zu
jm / vnd wecketen in auff / vnd
sprachen / **H**err hilf vns / wir
A iij verders

verderben. Da sagt er zu jnen/
Ihr klein gleubigen / Darumb
seid jr so furchtsam: Vnd stund
auff / vnd bedrawete den
wind vnd das Meer. Da ward
es gantz stille. Die Menschen
aber verwunderten sich / vnd
sprachen / Was ist das
fur ein Man / das im
Wind vnd Meer
gehorsam
ist:

In



In diesem

Euangelio werden uns viel stück furgehalten / die wir mit vleys sollen lernen vnd bedencken / dere wir jzt etliche / so viel wir zeit haben werden / handeln wollen .

Erstlich beschreibt der Euangelist / das der **H**err Christus im Schiff ligt vnd schlefft / wie sonst ein mensch der natürlich schlefft / so er sich müde gereiset / gegangen / oder geerbeitet hat / das er mus darnach ruhen vnd schlaffen . Damit zu beweisen / das Christus ein natürlicher warhafftiger mensch gewesen / der alles an jm gehabt vnd entfunden / was ein rechter mensch von natur an jm hat / als wachen / schlaffen / essen / trincken / gehen vnd stehen etc. Vnd des alles gebräuch / wie ein ander mensch .

Vnd ist hie sonderlich angezeigt / das der liebe **H**err zu dieser zeit / mus seer müde worden sein / von grosser erbeit des predigens vnd
B heilens

heilens der Francken / so er vber tag vnd offte
bis in die nacht gethan / auch wachens vnd be-
tens / darin er offte vber nacht verharret / das
er der ruge vnd schlaffs hoch begirig gewes-
sen / Vnd sich darumb von den leuten thut /
in das Schiff setzet mit den Jüngern / das er
da ein wenig seine ruge vnd schlaff mit frie-
den haben möge / Vnd wie Marcus sagt /
sich vnten in das Schiff leget . Das ist das
erste stück / so wir aus diesem Euangelio
lernen sollen / vnsern Glauben von vnserm
Herrn Christo zu stercken / das er ein Natur-
licher warhafftiger Mensch sey .

Vom Andern / da er also sanfft ruget / in si-
chem tieffen schlaff / vnd die Jünger mit
im faren / Erhebt sich plözlich ein gros
vngewitter vom Wind vnd wellen des Me-
ers / das das Schiff jzt wil vntergehen / vnd
sie meinen / sie müssen verderben etc . Vnd da
sie in eilend mit engstigem schreien vnd ruffen
auffwecken / stehet er auff / gebent dem Win-
de (das ist / allen Teufeln / so solche wind vnd
vngewitter erregen) das sie mit iren wellen /
toben vnd wüten auffhören / Vnd mus plöz-
lich alles stille sein / also / das sich auch die Leute
darob

darob entsetzen / vnd sagen / Wer ist der / dem
auch Wind vnd Meer gehorsam ist ?

Das ist nu nicht mehr eines schwachen /
oder lautern natürlichen menschen werck / wie
das rugen vnd schlaffen im Schiff . Denn
menschen können nicht dem Wind vnd Meer
gebieten / so sind sie auch keinem menschen ge-
horsam . Er aber / als ein gewaltiger HErr /
drewet mit einem finger den Winden vnd wel-
len des Meers / da mus es alles stille werden .
Darumb beweiset hie das werck auch diesen
Artikel / das Christus warhafftiger Gott ist /
vnd göttliche Krafft vnd gewalt hat / als ein
HErr / vber alle Creaturn / Wind / Meer vnd
den Teufel selbs etc .

Dieses sollen wir am ersten aus diesem
Euangelio lernen vnd behalten / das Christus
beide warhafftiger mensch / vnd warhafftiger
Gott beschrieben wird . Vnd wie wol wir
dasselbig auch in andern Euangelien allent-
halben sehen / so müssen wir es doch teglich
wider holen vnd daran lernen / auff das die-
ser Artikel gewis bleibe in der Christenheit /
vnd wir auch anfahen / das ernstlich vnd
starck zu glauben / das wir an diesem vnserm
Heiland Christo haben einen solchen HErrn /

B ij der

der nicht allein in menschlicher Natur vns
gleich / sondern auch der **H**err vnd **G**ott ist /
von dem wir beide dis leibliche leben haben /
vnd dazu erlösung / hülffe vnd rettung in allen
nöten / zeitlich vnd ewiglich / vnd wider aller
Creaturn anfechtung.

Denn daher heissen wir auch allein **C**hri-
sten / das wir an diesen **H**errn / der da zu-
gleich warer **G**ott vñ mensch ist / glauben / Nicht
darumb / das wir allein glauben / das vns
Gott geschaffen / wie ander Creaturn / Denn
der **H**immel ist auch **G**ottes Creatur / vnd dem
nach eben so gut / als wir. Also auch **T**ürcken /
Herden / **J**uden / ja der **T**eufel selbs nach seiner
Englischen Natur / Das wir des halben / das
wir von **G**ott geschaffen / nichts besser für an-
dern sind noch haben. Aber dauon heissen vnd
sind wir **C**hristen / das wir auch glauben an
den **S**on **G**ottes / der da mit dem **V**ater war-
haftiger ewiger **G**ott ist / vnd doch auch natür-
licher **M**ensch von der **J**ungfrawen geboren /
das er vnser **H**err vnd **E**rlöser würde / Vnd
also vns offenbaret vnd gegeben / das wir an
in glauben / vnd in sampt dem **V**ater anru-
ffen / sollen.

In diesem Artikel scheidet sich nu der **C**hri-
sten

sten Glaube von aller andern menschen Religion vnd glauben / Dieser machet die andern alle falsch vnd nichtig / vnd bleibet allein warhafftig vnd bestendig. Denn ob wol Türcken / Jüden / sich auch Gottes volck rühmen / vnd sagen / sie glauben vnd beten an den einzigen / ewigen / lebendigen Gott der Himmel vnd Erden geschaffen / etc. Vnd sich an vns Christen vber die mass hoch ergern vnd fur die grössste torheit / ja fur den höchsten Grewel halten / das wir mehr denn eine Person in dem ewigen Göttlichen wesen setzen / oder (wie sie sagen) mehr denn einen Gott anbeten / damit sie vns doch öffentlich an liegen / So irren vnd feilen sie doch des rechten Gottes / vnd beten in nicht an.

Denn Gott kan nicht recht erkant noch angebetet werden / denn von denen die sein Wort haben / dadurch er sich selbs offenbart hat / wie Christus spricht zu dem Samaritanischen frewlin Joh. iij. Ir wisset nicht / was ir anbetet / Wir aber wissen / was wir anbeten. Denn on sein Wort / kan man weder von seinem Göttlichen wesen / noch von seinem willen nichts gewisses sagen noch wissen / Wie das auch die aller weisesten Heiden allezeit selbs

B iij bekaund

bekand haben / das es so hoch / tuncel vnd
tieff verborgen ding vmb Gott vnd sein Re-
giment sey / das es niemand ergründen noch
verstehen künde/also/das je mehr menschliche
vernunft darnach trachtet vnd speculirt / je
lenger je weiter sie dauon komet . Wie dauon
auch Joh. j. sagt. Niemand hat Gott je gese-
hen/ der Eingeborne Son / der in des Vaters
schos ist/ der hat es vns verkündigt .

Je sagt vns nu die Schrift/ das Gott
sich also offenbaret /vnd wil also erkand sein/
das er sey ein solcher Gott/der da einen Son
habe / der da heisst sein Eingeborne Son/
vnd wie hie Johannes sagt / in seinem Schos
das ist / inwendig seines göttlichen Wesens
vnd maifestet / vnd also mit jm gleich ewig / vnd
allmechtiger warhafftiger Gott von ewigkeit
sein mus . Vnd das derselbige Gottes Son
hat sollen menschliche Natur an sich nemen/
auff das er zwischen Gott vnd vns Nitler
würde / vnd vns erlösete nach der gottlichen
Verheiffung / die er dem menschlichen ge-
schlecht gethan / das eines Weibes same/
solt der Schlangen (dem Teufel) den kopff
zutretten etc .

Dar

Drumb ist nicht genug / vnd heisst noch
nicht den rechten Gott angebetet / wie die
Türcken / Jüden / vnd alle Welt on Gottes
wort vnd Glauben an Christum / rhümen / sie
beten den einigen Gott an / der da Himmel vnd
Erden geschaffen etc. Denn damit hastu noch
weder sein Göttlich wesen noch willen er-
kand. Das ein Gott sey / von dem alle ding
geschaffen sein / das weiffest du aus seinen wer-
cken / das ist / an dir vnd allen Creaturen / die
sich selbst wol / Aber in selbs / wer er sey / was für
ein göttlich Wesen / vnd wie er gesinnet sey /
das kanstu nicht von auswendig ersehen noch
erfahren .

Soltu es aber wissen vnd in recht er-
kennen / so mustu sein Wort hören / darin er sich
selbs zu erkennen gegeben / vnd sagt / das er sey
der ewige Vater vnseres Herrn Ihesu Chri-
sti / den er habe zum Nütze gegeben / das er
hat sollen vns gleich / ein warhafftiger mensch
werden / doch von einer Jungfrawen durch
den heiligen Geist / on sünde empfangen vnd
geboren. Denn das solche Person / warhafftig
zwischen Gott vnd Menschen künde Nützer
vnd vnser Heiland sein / der vns von Gottes
zorn erlösete vnd vns ewige Gnade erlangete /
so hat

so hat er beider / das ist / Göttlicher vnd Mens-
schlicher Natur vnd wesens müssen teilhaff-
tig sein. So er aber Göttliche natur hat / so
mus er mit Gott dem Vater gleich allmech-
tig / ewig sein. Vnd das wir also sein Göttlich
wesen vnd solchen seinen willen erkennen / hat
vns dieser Mittler Gottes Son / der in des
Vaters schoß ist / solches selbs verkündigt etc.

Darumb ob wol Türcken / Jüden vnd
alle Heiden / so viel von Gott wissen zusagen /
als die Vernunft aus seinen wercken kan er-
kennē / das er ein Schöpffer aller dinge ist / vnd
das man jm sol gehorsam sein / etc. Vnd stets
wider vns Christen schreien vnd lestern / das
wir viel Götter anbeten / thun vns aber daran
ungütlich vnd vnrecht / So wissen wir doch /
das sie noch nicht den rechten Gott haben /
Denn sie wollen sein wort nicht hören / so er
von jm selb von anfang der Welt her / den heili-
gen Vetern vnd Propheten / vnd zu letzt durch
Christum selb vnd seine Aposteln offenbaret /
noch in also erkennen / Sondern lestern vnd to-
ben dawider / Malen in einen Gott / der keinen
Son / noch heiligen Geist in seiner Gottheit
habe / vnd also nichts denn einen ledigen
trawm

trawm fur Gott halten vnd anbeten / ja lä-
gen vnd lesterung fur Gottes erkentnis rhü-
men / Weil sie sich vnterstehen on göttliche Of-
fenbarung / das ist / on den heiligen Geist /
Gott zu erkennen / vnd on ein Nitler (welch-
er mus Gottes einiger Son sein) zu jm zu kom-
men. Vnd also im grund on Gott sind / Denn
es ist warhafftig kein ander Gott / denn die-
ser / der da ist der Vater vnsers HErrn Ihesu
Christi / welche beide sich durch den heiligen
Geist seiner Kirchen offenbaren / vnd in den
herzen der Gleubigen wircken vnd regieren.
Wie ij. Johan. j. sagt / Wer nicht gleubt vnd
bleibt in der lere Christi / der hat keinen Gott.
Vnd Christus Johan. v. Wer den Son nicht
ehret / der ehret auch den Vater nicht. Item
Joh. xiiij. Niemand kompt zum Vater / on
durch Mich.

Darumb ist solch rhümen von Gott / der
Türcken / Jüden vnd aller vnchristen / lauter
nichts / weder blinder / törichter Leute nichti-
ger gedancken / damit sie der Teufel bethöret
vnd bezenbert / das sie sich lassen düncken / sie
haben den rechten Gott / So sie doch nichts
von jm wissen / vnd kein gewis zeugnis der
C Schrift

Schrift haben / sondern dasselb verwerffen
vnd lestern / darin er sich offenbaret / durch
viele grosse Zeugnisse.

Drumb weil sie Christum / der da wa-
rer Gott vnd Mensch ist / leugnen vnd nicht
annemen / so haben sie auch an Gott (welch-
en sie rhümen den Schepffer Himmels vnd Er-
den) nicht mehr / denn ein blossen ledigen na-
men oder schemen von Gott / Gerade als
(das ich doch ein grob gleichnis gebe) wenn
ich mich wolt eines grossen Landherrn /
Vnterthanen rhümen / von dem ich doch
nichts wüßte / noch sagen kündte / was oder
wer er were / vnd noch daran zweuelte / ob er
ein Mensch were / Leib vnd Seele hette. Lieber
was würde das für ein Herr sein / von dem ich
sagte / das er in seinem wesen vnd Natur / kei-
nen arm noch bein / kopff oder Leib hette. Als
wenn ich vom Churfürsten zu Sachsen / oder
von einem Grauen zu Mansfeld sagte / das ist
ein Churfürst / oder ein Graue zu Mans-
feld / vnd hat doch weder Leib / kopff noch
strumpff / hende oder füße.

Gleich ein solcher Gott ist auch / den
jnen die Türcken für bilden / der da in seinem
Gott

göttlichkeit
damit her
zu Gottheit
erkant sein
von einen
gen gedanc
Denn dies
da ein Ve
schenckt / v
lich ausg
noben wi

N
höchsten
drey Göt
auch der
vnd einen
wissen / v
aus irer
pheten kla
grund vni
Gottes E
dere vnte
Wesens g
liegen vnd
vnd die h

göttlichen wesen keinen Son habe/ Nemen im
damit hende vnd füsse/ das ist/ seine vollkomme
ne Gottheit/ wie er sich hat offenbaret vnd wil
erkant sein. Vnd ergreiffen also nicht mehe
denn einen ledigen / nichtigen schemen irer ei
gen gedancken / fur den warhafftigen Gott /
Denn diesen Gott wollen sie nicht haben / der
da ein Vater sey / vnd vns seinen Son ges
schenckt/ vnd den heiligen Geist vber vns reich
lich ausgegossen habe/ Sondern lestern vnd
toben wider in auffss gewlichste.

Also auch die Jüden ergern sich zum
höchsten an vns / vnd schreien / wir machen
drey Götter/ als/ die vber den einigen Gott/
auch der Jungfrauen son / als Gottes Son/
vnd einen heiligen Geist anbeten/ So sie doch
wissen/ vnd bekennen müssen / das wir des
aus irer eigen Schrift/ Mose vnd der Pro
pheten klar Zeugnis haben/ vnd die selbe zum
grund vnsers Glaubens setzen / das Christus
Gottes Son / vnd der Geist Gottes/ als son
dere vnterschiedene personen des göttlichen
Wesens genennet werden / Vnd also mit irem
liegen vnd lestern / nicht vns / sondern Gott
vnd die heilige Schrift an liegen vnd lestern.

C ij Also

Also können wir beweisen / das vnser
Glaube nicht new ist / des ankünfft wir
nicht wüßten / Sondern der aller eltest
glaube ist / der da angefangen vnd gewehret
von anfang der Welt her . Denn als Adam
vnd Heua / vnser erste Eltern / im Paradis
wider zu gnaden kamen nach irem jemerliche
en fall / stengen sie diesen Glauben an / an den
Heiland / den Son Gottes . Denn also lautet
die verheissung / so inen gegeben ward / Des
Weibes samten sol der Schlangen den kopff zu
treten etc. Aus diesem ersten Euangelio / ist
vnser Christlicher Glaube her komen vnd ge
flossen .

Denn da ist von Gott selbs verkündigt
vnd offenbaret / das ein Weib solt einen Son
tragen / welcher jr / des weibs samten hiesse / also
das beide / das Weib ein Natürlich mensch /
vnd das Kind jr natürlicher Son were / doch
allein des weibs samten / das ist / nicht von noch
durch einen Man / geboren . Dieser solte die
Krafft vnd macht haben / das er der Schlange
gen (dem Teufel / der das ganz Menschlich
geschlecht in Adam vnd Heua vnter seine ge
walt / in den tod vnd ewige verdammis
bracht)

bracht) künde vnd würde den kopff / das ist /
seine gewalt zutretten / vnd also das mensch-
lich geschlecht von Sünden / Gottes zorn /
ewigem Tod erlösen / Das musste je ein son-
derliche Person sein / vnd nicht allein mehr
denn ein lauter Mensch von man vnd weib /
sondern auch mehr denn ein Engel / weil der
Teufel / dem er den Kopff zutretten solt / selbs
der höchsten Englichen natur ist.

Als wolte Gott klar hie mit sagen / Ich
wil in lassen einen natürlichen Menschen sein /
von einem Weib geboren / doch nicht natür-
lich oder gemeiner menschlicher weise empfan-
gen von einem Man / Vnd der nicht allein
menschliche Natur habe / wie du Adam vnd
Hena / Denn also künde er nicht die macht ha-
ben / die Schlangen mit füßen zutretten / wie
auch sie vor dem fall / wiewol sie on Sünde
geschaffen / die krafft vnd macht nicht hatten /
Sondern er sol beide / natürlicher Mensch /
vnd warhafftiger Gott sein / als der der H
Ksey / vber den Teufel vnd sein ganze macht
vnd selbs das Werck thue / welches allein
Göttlicher Maiestet werck vnd vermögen
ist / den Teufel / Tod / Sünde vnd Helle zu
tilgen. Nu mus er dennoch eine ander Person
E iij sein /

sein / von dem der da solches redet / vnd solche
Person / des Weibs samen vnd zutretter der
Schlangen / verheisset. Vnd doch desselben
göttlichen Wesens vnd von dem selbigen ewi-
gen Gott / weil er nicht mehr / denn ein einiger
Gott ist / Darumb mus er ewiger Gottes
Son sein.

Also ist dieser Artikel von Christo / von an-
fang der Welt her gepredigt / vnd gegleu-
bet worden / von allen heiligen Vetern /
Propheten / das Christus beide warhaff-
tiger Mensch sein würde / als des Weibs ver-
heissener Samen / Vnd doch auch warhaff-
tiger Gott vnd Herr aller Creatur / der
Sünde / Teufels vnd Tods / als der das
werck der Versöhnung vnd Erlösung mensch-
lichs geschlecht / von ewigem Gottes zorn vnd
verdammis / so Gottes gerechtem vrtel nach /
vber vns gegangen / austrichten / vnd des Teu-
fels werck zerstören solte / Wie S. Johannes
sagt / Das Gottes Son dazu selb hat müssen
erscheinen / das er des Teufels werck auflöse-
te / das ist / vnser ewige bande vnter Gottes
zorn vnd der hellen / los machte.

Vnd es hat auch derselbige vnser Herr
Christus / nicht allein selbs solches gepredigt
vnd

vnd seinen Aposteln / vnd der ganzen Kirche
en bis an den Jüngsten tag zu predigen befole
hen / Sondern auch im werck vnd mit öffent
lichen zeugnissen seiner that beweiset / Gleich
wie er es in diesem Euangelio beweiset / da er
dem wind vnd Meer / vnd viel mehr dem Teu
fel selb / mit einem wort stewart vnd wehret.
Vnd eben in dem / da dieser Artickel vnd der
Glaube desselben zum höchsten ist angefoch
ten worden.

DEnn da Adam vnd Heua am anfang
diesen Glauben an den verheissenen Samen /
ire Kinder / vnd kinds Kinder / vnd alle Men
schen geletet / vnd gepredigt haben / bis auff
den siebenden patriarchen Henoch / in die fünf
hundert jar / da der Teufel / durch Cain vnd
seine Nachfolger / der Christlichen Kirchen
hart zusetzet / vnd auch mit seinen Winden
vnd Meers wellen zu dem Schiffen einstür
met vnd schlug / das es schier nicht mehr zu
sehen / vnd jzt an dem war / das es solte vnter
sincken. Da schickt er einen andern Predi
ger Henoch / durch den er neben Adam /
bey den andern seine frome kindern vnd
nachkommen die Lere erhielt / vnd dem Teufel
werete. Nach diesem schickte er Nocha / bis
zur

zur Sündflut / da die Kirche abermal zum
höchsten not leid / vnd alle Welt dahin fiel/
bis auff acht menschen / dennoch ward sie
durch diesen Son Gottes in denselbigen we-
nigen Personen erhalten vnd wider auffge-
richt. Nach diesem Noah vnd seinen Kindern
ward hernach Abraham erwecket / die Kir-
che Gottes zu erhalten / Vnd folgendts alle hei-
lige Propheten / Könige / als Dauid / Eze-
chias / bis auff den H^{er}rn Christum selbs
vnd seine Apostel / welche alle diesen einigen
Glauben wider des Teufels toben vnd wüten
gepredigt haben .

DJeses ist nützlich vnd tröstlich einem
Christen zu sehen vnd zu betrachten / wie diese
Predigt vnd Glaube / vnd die selbe Krafft
vnd gewalt des Sons Gottes / allezeit in der
Kirchen erhalten ist / also / das eben dieser Chri-
stus jmerdar also regieret hat / durch sein
Wort vnd Geist / vnd eben das in seiner Kir-
chen von einer zeit zur andern also gehet vnd
geschihet / so in diesem Euangelio gezeigt wird
das sich der Teufel mit seinen Winden vnd
Wellen / das ist / durch falsche Geister vnd
Lere des Teufels / vnd durch allerley toben in
der

der Welt wider Christum erregt / Vnd Christus auch jmer also der Kirchen in solcher fahr vnd not / wie hie die Aposteln im Schiff sind / retten vnd helffen mus.

Denn wie gesagt ist / es haben bald von Anfang der Welt / die wellen des bösen Geistes / der da in der Luft herrschet / wie S. Paulus sagt / in dis Schifflin / so die Christliche Kirche heisset / geschlagen / das selb zu vnterdrucken vnd zu versencken / mit Christo vnd den seinen / Vnd ist doch allzeit / wider solch stürmen / in solchem schrecken vnd schwachheit / wie hie der Apostel ist / erhalten / durch den Glauben vnd anruffen dieses Heilands Christi des Sons Gottes / Damit hat man sich allezeit müssen wider diese winde vnd wellen weren / Vnd hat sich in dem allen endlich die krafft des Sons Gottes bewei set / nu von funff tausent jaren her / das sich alle solche winde vnd wellen haben müssen nach einander legen vnd auffhören.

Denn so viel sich dawider gestossen / gestürmet vnd getobet / die sind nu / Gott lob / bis auff diese vnser zeit vntergangen / als die
D grossen

grossen gewaltigen Keiserthumb/ vnd König
reich/ Babylon/ Assyrien/ Griechen/ vnd Rom
in seiner höchsten macht / Vnd ist dennoch die
Schifflin blieben/ vnd bleibet noch / Vnd das
jzt die vbrige stürmen des Türcken vnd
Papsts / noch auch ire Wellen speien vnd
sprüen / vnd haben alle im sinn dieses Schiff
zu ersenffen . Das müssen wir rechnen
für das letzte toben vnd zerrren der alten
Schlangen/ des Teufels / so nu sich schier an
Christo vnd seiner Kirchen abgestossen vnd
abgelauffen hat / wolt gerne in seinem letzten
grim vnd zorn seer böses thun / er weis aber
das er bald auffhören / vnd vollend sein giff/
stich vnd bisse vnter des HErrn Christi vnd
seiner Christenheit füssen mus lassen.

Darumb sollen wir diesen vnsern HErrn
vnd Heiland also lernen kennen / vnd an ih
glauben / das er der HErr ist / der den stür
menden Winden vnd tobenden Wellen des
Teufels / kan steuren vnd wehren / wenn er
wil / Vnd vns des trösten/ wider alle macht
der bösen/ zornigen Feinde der armen Kir
chen / das sie mit irem stürmen wider dieses
Schifflin nichts werden austrichten / Denn
der

der solchen wind vnd wellen / bisher vber
funff tausent jar nidergelegt vnd gestillet hat/
der kan vnd weis inen auch noch zu gebieten
vnd zuwehren / Es hat inen die funff tausent
jar gefeilet / vnd nicht gelungen / vnd sol inen
auch hinfurt (die vbrige letzte stunde) feilen/
vnd nicht gelingen was sie furhaben. Dieser
Man / der hieim Schiff ligt / vnd schlefft/
wird zu seiner zeit durch vnser Gebet auffwa-
chen / vnd sich lassen sehen / das er dem Meer
vnd Wind gebieten kan / vnd mus als denn
Bapst / Türck vnd Teufel / vnd alles was da
feindlich vnd schrecklich wider dis Schiff lin
gestürmet hat / zu grund gehen.

Darumb ist dieses vnser gewisser grund
vnd Trost / wider alle des Teufels vnd der
helle Pforten / das wir wissen / das vnser
Glaube an diesen H. Erren / den wir bekennen
warhafftigen Gott vnd Mensch / der rechte
erste vnd elteste Glaube ist / vnd allezeit in der
Welt durch den son Gottes erhalten / bleibt
auch der letzte / bis ans ende der Welt / Vnd
wird darin sonderliche Göttliche krafft vnd
werck öffenberlich gesehen / das er in so man-
cherley teglicher vnd steter anfechtung vnd

D ij widers

widerstand vom Teufel vnd der Welt / denn
noch bestanden ist / vnd noch bestehet / Denn
ob er wol von anfang her grosse / schwere vnd
viel stürme vnd stöße erlitten / so ist er doch
dadurch nicht vmbgestossen noch geschwe-
chet / Sondern stehet vnd gehet noch jmer
fort / vnd je stercker / je mehr er verfolget wird /
Vnd findet sich / das wir / Gott lob / jzt am
ende eben also glauben / vnd eben dasselb pre-
digen / wie Adam / Abel / Henoch / Noah /
Abraham / vnd alle Veter vnd Propheten ge-
glaubt vnd gepredigt haben. Summa / Chri-
stus mus mit seinem Euangelio durch das
Meer vnd wellen der Welt / vnd sturmwinde
des Teufels hindurch schiffen / bis zum ende.

DA gegen sihet man auch / das aller an-
der Heiden / Türcken / jtziger Juden vnd
vnchristen Glaube vnd Religion / vnd
Gottesdienst allzeit geweest vnd noch ist ni-
chts anders / denn eitel mancherley vngewis /
irrig / vnd eigen new erfunden / nichtig ding /
des sie keinen gewissen grund nicht haben /
noch beweisen können. Denn sie Gottes wort
nicht wissen noch hören / welches er von an-
fang gegeben / vnd alle zeit in seiner Kirchen
ein

eintrechtig gehalten vnd gepredigt ist. Denn
so man sie schon lang fraget / wo her sie gewis
sind / das jr glauben recht müsse sein / so kon-
nen sie kein Göttlich wort noch zeugnis anzei-
gen / sondern müssen sagen / sie habens von
hören sagen von jren Vetern / vnd sehen / das
ander Leute auch also glauben.

WAd sind in zweierley seer grossen jr-
thumb vnd blindheit / Erstlich / das sie nicht
können sagen / was doch Gott sey in seinem
wesen / Wie denn die aller weisesten vnd ge-
lertesten vnter den Heiden / so mit grossen
vleis darnach getrachtet / solchs nicht haben
erlanget / one das dennoch die besten vnter
inen so viel gesagt haben / als die Vernunfft
an Gottes wercken abnemen vnd mercken
kan / das Gott müsse sein ein ewiges wesen /
Schepffer aller dinge / weise vnd gerecht /
Welches sie doch auch nicht fest gnug halten
kan / wenn sie mit jrer klugheit von göttlichem
Regiment in der welt beginnet zu disputiren /
Daher auch etliche grosse Leute so vnters-
schempt worden / das sie öffentlich geleugnet /
oder ja jren zweifel bekand / ob ein Gott sey /
Etliche / da sie gefragt / vnd haben sollen von

D iij

Gott

Gott agen / bekand haben / das je lenger sie
darnach trachteten vnd forscheten / je weni-
ger sie dauon wustten zu sagen.

3^{Um} andern / können sie viel weniger
wissen vnd sagen / wie Gott gegen den Mens-
chen gesinnet sey / ob er gewislich vns an-
me / fur vns alle sorge / vns erhören vnd hel-
ffen wolle / so wir zu jm ruffen / Sondern
bleiben jmer in grossen engstigen zweuel / oder
in öffentlich verruchter verachtung / Dencken /
Gott frage nichts nach vns armen Menschen /
vnd verachten beide / seinen zorn vnd gnade /
Wie solchs abermal die allerweifesten Philo-
sophi vnd Poeten on schew vnd vnuerholen
sich haben hören lassen / vnd öffentlich ges-
schrieben. Es könne niemand wissen / was
Gott im sinn habe.

Das ist je ein gewis anzeigen / das je
Glaube oder wohn von Gott / nicht recht sey.
Denn sie müssen ja selbs sagen / das / wo es ge-
wis were / das sie den rechten Gott hetten /
vnd er sich je anneme / vnd gefallen an jnen
hette / So würde er ja auch beide / von seinem
Göttlichen wesen vnd willen / gewissere vnd
stärckere zeugnis geben / Vnd sie nicht also
jmer

immerdar im zweuel lassen hangen vnd schweben.

Wdem / so sihet man / wie vngleich vnd vol mancherley secten der Heiden vnd vns christen Abgötterey allzeit gewest / vnd noch ist / das sie nie bey einem blieben / Sondern jmer von einem auff das ander gefallen / ein neues vber das ander erdacht / oder von andern angenommen / was sie nur gesehen vnd gehört haben für einen Gottes dienst rhümen / oder fürgeben / Wie die Historia Act. xvij. sagt von denen zu Athen / so die berühmtesten vnter den Griechen waren von weisheit / das S. Paulus allerley frembde / newe vnd vnbe kante Götter vnd Gottesdienst alda gefunden / vnd sie darumb straffet etc.

Wd die Römer samleten aus der ganzen Welt allerley Abgötterey / zogen sie aus allen winckeln erfur / namen an was sie nur bey andern hörten vnd sahen / vnd baueten einen Tempel zu Rom / den sie aller Götter Tempel hießen. Denn sie wolten alle Götter in aller Welt haben / vnd damit sie keines feilen oder mangelten / den sie noch nicht wusten oder kenneten / so solten sie doch alle mit diesem

sem gemeinem namen solches Tempels be-
griffen sein.

Gleich also haben wir / sampt dem gan-
zen Bapstum bisher auch gethan / da man
allerley Abgötterey mit den Todten vnd vie-
len vnbekandten Heiligen (so auch wol böse
Buben vnter der Heiligen namen gewesen)
angenomen / vnd daneben so viel eigen ertich-
te Gottesdienst / Walfarten / Orden / Brü-
derschafften etc. auffgeworffen / vnd jmer ein
newes vber das ander angenommen / dauon
wir keinen grund gewußt haben / was nur
ein jglicher vnuerschampter Schürling oder
Pletting hat dürffen surgeben.

Und ist doch solches alles nicht allein vn-
gewis vnd vngegründet / sondern auch zu-
rissen vnd zutrennet in mancherley secten vnd
vneinigkeit / wie vnter den Heiden / da einer
dis / der ander das furnimpt vnd wehlet / ei-
ner hienaus / der ander dort herein gleubet
vnd leret / Vnd doch in so vielerley vngleichheit
vnd secten in dem vberlein komen / das sie alle
gleich auff solchem irem eigen vngewissen
wohn vnd trawm bawen / Können sich darob
mit

mit einander leiden vnd drücken / die doch vn-
terinander gang widerwertig / Wie bisher vn-
ter Mönchen vnd Pfaffen gewest / da keiner
mit dem andern eines war / vnd ein iglicher
seine weise fur die beste wolt gehalten haben /
noch vertrugen sich jr viel in einer Stad / oder
Dorff / vnd Kirchen.

¶ Ben wie der Römer Götzen aus allen
landen zusammen gekoppelt / die da so vngleich /
vnd auffss höchst wider ein ander waren / kond-
ten in der einigen Stad bey einander wonen /
vnd liessen sich mit einander anbeten. Aber
das theten sie / vnd thun es noch alle / wie
mancherley vnd vneins die Kotten vnd Göt-
zer vnterinander sind / so sind sie doch in dem
eines / das sie die rechte reine lere des Euange-
lij zugleich verfolgen / Gleich wie zu Rom /
vnd vnter den Griechen / wie viel vnd man-
cherley abgöttische Pfaffen vnd Götzen-
diener waren / Noch kondten sie den einigen
Christum nicht leiden / sondern so bald der sel-
bige kam mit seinem Euangelio / vnd predigt
von rechtem erkentnis Gottes / da wurden sie
alle toll vnd töricht / Vnd wo er genant ward /
da schlug der Teufel mit seinem wind vnd
wels

wellen / vnd mit schwert vnd ferner zu / vnd
wolt die Christen mit irem Christo nur zur
welt hinaus jagen. Denn es wolt jnen auch
vber vnd bey diesem / die Welt zu enge wer-
den (weil er jre Lügen offenbaret vnd zu schan-
den machet) vnd kondten in gar nicht neben
sich leiden / Vnd musten in dennoch. on jren
danck leiden / ja ob jrem verfolgen vnd stür-
men / toben vnd wüten endlich mit allen jren
Götzen zu grund gehen / Wie hie der Teu-
fel mit seinem sturmwind vnd wellen an dem
Herrn Christo / sich ableuffet vnd stößet.

Das sey von dem furnemesten stück die-
ses Euangelij gesagt / wie vns darin
Christus gezeit vnd gepredigt wird/
beide / warhafftiger Gott vnd Mensch / vnd
wie solcher Christlicher glaube / allein der rech-
te / einige / elteste / beständige Glaube ist / der
da gewisse Göttliche zeugnis hat seines
Worts / von anfang der Welt / vnd sol-
ches beweiset / das er rechtschaffen vnd
warhafftig ist / so er durch mancherley ansich-
tung geübet vnd geprüfet / Aber doch allzeit
wider alles stürmen vnd toben des Teufels
vnd seiner Hellepforten bestehet vnd vberwin-
det /

det / Welches auch ist sein rechte farbe vnd
warzeichen / das er mus allzeit angefochten
vnd verfolget werden.

Agegen ander Religion oder Glau
ben / wie sie on Göttliche zeugnis vnd offens
barung / teglich new / aus eigen Menschliche
en dänckel ertichtet sind / Also haben sie auch
diese art / das sich darob kein verfolgung noch
widerstand erhebt / sondern sind alle al
so / das sie das Creutz vnd leiden schewen
vnd fliehen / vnd nur darumb von der Welt
angenomen werden vnd gelten / das sie
frieden / ruge / gute tage / ehre / gut geben /
vnd dem Bauch dienen / Solche lesst der
Teufel / als seine Diener wol zu frieden / das
sie vmb iren glauben vnd Gottesdiensts
nicht dürffen von der Welt fahr vnd wie
derstand leiden. Da mus die Sonne helle schei
nen / vnd kein wind noch wellen sich dage
gen regen / Sondern alle wasser stille sein /
wie er hie mit winden vnd wellen stille ist / vnd
den Leuten frieden lesst / bis so lang / Chri
stus mit seinem Schifflin auff das Meer
kômpt / da mus flugs alles zu hauff schlagen
vnd fallen / dis Schifflin zu erseuffen.

Vnd Summa / Es wird hiemit fur
L ij gebil

gebildet / das alle zeit das Heufflin / da Christus ist / vnd die es mit im halten in der welt / mus angefochten werden / mit grossen vngestüm / vnd also / das auch dis Schifflin mit wellen bedeckt wird. Denn also hat er von anbegin allzeit gethan / bey vnsern Vetern vnd Vorfaren / durch der welt höheste gewalt vnd macht / als erstlich durch das Königreich Egypten / Babylonier vnd Perser / Darnach durch die Griechen / vnd das Römisch reich / das sind die Stürme vnd wellen gewesen / Die mus er dazu brauchen / vnd müssen im dazu dienen / das er nur diese Lere vnd Glauben verfolge / treibet sie also / als hetten sie nichts anders zuthun in irem Regiment / sondern weren allein darumb da / das sie wider Christum toben / Wie wir jzt vnser sturm vnd wellen haben / vom Papst / Türcken vnd Jüden.

Vnd ist wol zu wundern / wie doch die Welt in iren winden vnd wellen / das ist / Leeren oder Geistern / vnd weltlicher gewalt / also gerne hie zu / dem Teufel dienet vnd gehorsam ist / das sie Christum vnd seinen Glauben / so gar nicht hören noch leiden wil / sondern

den flugs zuferet dawider zu rumorn vnd
poltern / So sie doch jm nicht kan schuld ge-
ben / das er jemand wolle gewalt oder vn-
recht thun / oder etwas böses vnd schedlichs
lernen / Sondern sie höret / das er jr alles guts
anbent / vnd jr helffen wil / das sie alle jrer not
vnd jamers ledig werde / gibt sich selb dahin /
vnd vergesset williglich sein Blut für sie / vnd
schencket jr alles was er hat . Was hat sie
doch denn für ursache / darumb / das sie ja
nicht allein nicht annimpt / sondern auch auff
bitterst verfolget:

Is denn das so böse / das ich lere / Got-
tes Son sey für dich gestorben / gen Himmel ge-
faren / vnd sitze zur rechten hand Gottes / das
er dich auch zu Gottes kind / vnd zum Erben
des ewigen Lebens mache / Das darumb Kai-
ser / Könige / Fürsten vnd alle Welt mus so
grewlich wüten mit verfolgen / veriagen vnd
morden armer / vnschuldiger Leute: Nimpt
es doch dir nichts / es gibt dir viel mehr / lesst
dir leib vnd gut / gelt vnd ehre / schencket dir
dazu das ewige / Vnd was schadet dirs / ob
dich gleich nichts gebe / das du es doch lie-
ffest gehen / vnd annemen wer es wolte / wie

¶ ij

man



BLB

Badische Landesbibliothek
Karlsruhe

man doch viel ander ding leidet / Das man
straffen / vnd nicht leiden solt.

Ja sprichstu / Es nimpt mir die Kappen
vnd Platten. Ey / behalt sie / hastu so grosse
lust dazu. Ja / es nimpt mir meine Messe /
Ablass Jarmarckt / das man nichts mehr da
von helt / noch dafur gibt / wie zuuor / Ja / bistu
auch da zurissen / so lappe dich der Teufel /
So höre ich wol / es ist dir nur darumb zu
thun / das du die Leute gefangen haltest / das
sie deinen Lügen glauben (wie du selbs wei
ssst / das es eitel lügentand ist) vmb dei
nes Geitzes vnd Bauchs willen / So du doch
sonst wol kondtest mit Gott vnd gutem gewis
sen / dich nehren / vnd behalten was du hast /
Allein / das du es wider diesen Herrn / Doctor
vnd Meister nicht gebrauchest / sondern jm ge
horchest / vnd sein Wort forderst.

Aber es ist alles / wie ich gesagt habe / der
leidige Teufel / der also in der Welt anfehet zu
toben vnd stürmen mit seinen winden vnd wel
len / wo vnd wenn Christus mit seinen Jün
gern / auch wil in der welt sein / Diese kan er ni
cht leiden / Da kan er bald die Winde (das ist /
seine

seine Lügengeister / Kotten vnd Secten) auff
treiben / vnd die Wasservogen vnd Wellen
(das ist/seine Tyrannen) auffblasen/das sie in
als der Welt fürsten / hie gehorsam sein / vnd
thuns auch gerne. Vnd ob sie gleich sonst vne
ternander selb vneins vnd widerwertig / ein
wind hienaus / der ander dagegen doer herb
ein bleset vnd brauset / vnd die Wellen vber
einander fallen / so müssen sie doch alle hie zu
im eintrechtlich dienen / das sie vber das
schifflin Christi fallen / Des sie doch keine vrs
sach wider in haben / Denn er sehet je kein ha
der noch rumor an / siget still im Schifflin /
(ja schleift dazu) vnd lesst seine Jünger sanfft
vnd seuberlich faren / Noch wird der Teufel
so wütend / das er nicht rugen noch feiren
kan / bis er alle wind vnd wellen / wider vnd
vber dis Schifflin zu samen treibet.

Also auch noch / wo nur dieser Linge
borne son Gottes / mit seinem heufflin in die
Welt kömpt / so des Glaubens sind / den A
dam / Heua / Seth / Henoch / Noah vnd
Abraham etc. gepredigt haben / so wil sie toll
vnd töricht werden / vnd gar in einen hauffen
fallen / So wir doch keine secten noch ir
thumb

thumb / noch auffrur erregen / Predigen ab
lein eintrechtlich / was die lieben Väter / Pro
pheten vnd Aposteln gepredigt haben / das
da sey einerley Glauben / vergebung der Sün
den / einerley Tauffe / Sacrament / Gebet /
Hoffnung vnd Leben / Nemen jnen weder
haus noch hoff / gelt noch gut / wolten gerne
mit jnen frieden vnd freundschaft haben.

Woch ist da kein sune noch güte zu erlan
gen / vnd so sie zuuorn vnter sich selbs keine ei
nigkeit gehabt / so lauffen sie doch jzt zu sa
men / stehen alle fur einen Man / wider vns /
Alles ander Gottlos wesen können sie leiden
vnd dulden / allein der Christen glauben vnd
Predigt ist jnen vnleidlich / so da sagt / das
Gottes son / vnser Heiland / vnd wir von / vnd
durch in allein / ewigs Leben vnd alles haben.

She aber auch hie des Teufels schalck
heit vnd tücke / wie er seine zeit vnd
gelegenheit ersihet / da er Christum
vnd seine Jünger mag angreifen / Nämlich /
so sich Christus schwach vnd vnuermög
lich stellet / vnd seine Jüngern one das selbs
schwach vnd blöde sind / da er kan raum ha
ben /

ben/wider sie zu toben vnd zu stürmen/Als hie
da er sihet /das Christus mit seinen Jüngern
im Schiff auff dem wasser ist / da er kan
wind vnd wellen erregen / vnd sonderlich/
da Christus beginnet zu schlaffen / vnd leßt
die Aposteln regieren vnd machen / stellet
sich / als neme er sich irer nichts an / vnd wisse
nichts mehr von jnen / ja / als habe er sich
samt jnen vnbesonnen in fahrt gesetzt.

Das hat der Teufel bald ersehen/das die
Jünger hie allein sind / Das kan er jm nutz
machen / vnd seiret nicht sie an zugreifen /
da er sie schwach vnd gleich verlassen findet/
Dencket/er habe sie nu in der klippen / vnd in
seine gewalt gebracht /meinet / er wolle plötz-
lich nicht allein sie / sondern auch den schlaffen-
den vnachtsamen Christum / ehe sie sichs verse-
he / erseuffen vnd vmb bringen / oder je einen
schaden thun.

Das ist des Teufels art / das er die Chri-
sten angreiffet / eben an dem ort / vnd zu der
zeit / wo vnd wenn sie am schwächsten / vnd
leichtlich zu schrecken vnd zu treffen sind. Da-
zu denn sonderlich zuschlehet / ja ire schwach-
heit vnd zappeln eben da her verursacht wird
das Christus sich selbs so schwach stellet / vnd
scheinet / als wisse er nichts von jnen / vnd
thue nichts / denn schlaffe in seiner vnd irer hō
F besten

besten fahr vnd not / vnd lasse sie allein on rat
vnd hülffe vmb sonst arbeiten vnd sorgen/
bis es auch in die not kompt / das sie begin-
nen an irem Leib vnd Leben zu verzagen / vnd
schreien / sie müssen verderben / wo inen nicht
balde geholffen werde.

Also ist es alle zeit vmb die Christenheit
gestalt / wenn sie angefochten wird / Denn der
Teufel ist darauff geuliffen vnd gericht / wo er
sihet / das sie sonst schwach sind / gros vnd
schwere last vnd arbeit haben / Vnd Chris-
tus auch so schwach scheinet / als sehe er vnd
höre / vnd thue nichts vberal / vnd lasse sie
selbs machen / Da plazet der Feind flugs
auff sie / meinert inen den vortail abzula-
ffen / vnd sie zu sturzen / ehe sie sichs verse-
hen etc.

Denner weis / das / wo Christus nicht
selbs da ist / mit seiner stercke vnd macht /
das er irer wol mechtig ist / kan sie in schreck-
en vnd zagen bringen / vnd so bange machen /
das sie nicht wissen / wo sie bleiben sollen /
vnd bis ans verzweueln komen etc. Vnd
Christus leßt solches gehen / vnd sie bis auff
eufferst in die fahr komen / das sie ire schwach-
heit wol müssen fülen vnd erfahren.

Wer hie sollen wir auch dargegen lernen /
das dieses ist vnseres Herrn Christi wei-
se /

se / das / wo er retten vnd helffen wil / zu
vor also pflegt zu thun vnd sich zu stellen /
vnd die not auffss höhest lefft komen / da es
am hertesten stehet / auff das er seine krafft
vnd hülffe hernach deste herrlicher vnd
mechtiger erzeige / Vnd vns treibe zu jm zu
schreien vnd ruffen / dadurch der Glaube ge
übt vnd gestercket werde / vnd erfare wie er
kan in der not wunderbarlich / vnd wie der
ix. Psalm sagt / Zu rechter zeit / helffen .

Vnd wil vns zeigen / das der mangel nicht
an jm ist / als künde er nicht helffen / Oder / als
were es darumb verloren / das der Teufel
so starck vnd mechtig / böse vnd grimmig to
bet vnd stürmet / Sondern das es allein an
vnserm Glauben feilet / vnd des vnglaubens
schuld ist / Wie Christus die Jünger alhie
darumb straffet / vnd spricht / Wie seid jr so
furchtsam / jr Klein gleubigen ? etc.

Wenn er wil vns hiemit leren seine kunst
vnd das rechte Meisterstück / damit er den
Teufel betrenget / vnd seine tück vnd an
schlege zu nicht machet / Eben damit / das
er in leffet an sich vnd seine Christen lauffen /
mit grossen vnd schrecklichen stürmen /
vnd sich so gar schwach dazzu stellet / als kö
ne er jm nicht wehren / noch vor komen / son
dern leffet jnen so weit komen / bis die wellen
das

f ij

das



BLB

Badische Landesbibliothek
Karlsruhe

das Schifflin bedecken / vnd^r jzt wil vber
vnd vbergehen / das der Teufel nu dencket/
er habe in schon mit Schiff vnd allem in sei-
ner gewalt / daser jm nicht könne entlauffen/
vnd sie selbs die Jünger auch nicht anders
sehen noch fülen / denn / wie sie hie schrei-
en / vnd sagen / O Herr / wir verderben etc.

Aber es heisst / Hüte dich für diesem schlaf-
ffenden vnd schnarckenden Christo / wenn er
sich stellet / als sehe vnd höre / der wisse vnd kön-
ne er gar nichts. Denn wo er so gar schwach /
vnd (wie es scheint) vnwissend vnd onmäch-
tig ist / vnd der Teufel jm so nahe kömpt / vnd
jzt schon nach jm schnappet / als wolle er in mit
seiner Kirchen verschlinden. Da mus er auch
auffwachen / vnd sich hören vnd sehen las-
ssen / das der Teufel in vnd sein Schifflin
nicht also erseuffen vnd versencken müsse / wie
er im sinn hat / Sondern das er auch mitten
in der grosssten fahr vnd not / da es schet-
net / als sey es zu lange geharret / vnd hab-
den Teufel zu weit lassen greiffen / kan vnd
weis das spiel zu wenden / Darff nicht mehr /
denn das er nur auffwache / vnd drein sehe /
wie der Teufel angefangen zu toben vnd zu-
mören / so hat er bald mit einem schelten oder
drawen / ja mit einem wincken des fingers /
dem Teufel mit winden vnd wellen gesteuert.
Da

Das wolte der liebe Herr vns gerne lernen
glauben vnd fassen / das wir in der not nicht so
furchtsam vnd verzagt / sondern getrost vnd
on sorge weren fur des Teufels toben/wenn er
gleich sein höhestes an vns versucht/vnd wir
am schwächsten sind/Wie er denn mit diesem
Exempel zeigt / wie er so gar on sorge vnd
furcht ist/fur seinem Feinde/vnd alle seiner list
vnd macht/das er auch schier allzu sicher/vnd
gleich vnvorsichtig scheint daher faren/Denn
er ja wol hat sollen vnd können zuvor wissen/
(wie er s denn gewislich wol gewusst) was der
Teufel wider in im sinn hette / Vnd wie er alle
augenblick darnach trachtet / wie vnd wo er
möchte etwas wider in schaffen / sonderlich
jzt auff dem Meer/da er kan mit winden ru-
mören vnd wellen.

Darumb/weil er solches wüßte/so solt er
ja nicht so sorglos sein/nach sich so thörllich wo-
gen/wie er hie thut/da er auch sich zu vnterft in
das schifflein legt/einen guten starcken schlaff zu
thun/gerade/als sey gar keine ferligkeit zubesor-
gen/vnd als könne vnd wisse der Teufel nichts
mehr wider in vnd seine Jünger zuthun. Aber
ob er wol solches alles seer wol weis / das er
keines erinnerns noch ratens bedarff / was er
thun sol/So ist er doch darumb fur des Teu-
fels zorn noch list nicht furchtsam noch erschro-

S ij cken/

cken / sondern getrost vnd vnuerzagt / gewis /
das er in mus vnbeschedit vnd vnuerfentt
lassen / er versuche vnd thue / was er wisse vnd
könne / wil darumb seine natürliche ruge vnd
schlaff (des er die zeit bedürffte) nicht nachla-
ssen / Denn er weis / das er einen Gott vnd Va-
ter hat / der da fur in sorget / vnd in wol fur
Teufel vnd allen Feinden schützen vnd schir-
men wird.

Das thut er alles vns zur lere vnd
zum Exempel / vnsern Glauben damit zu er-
wecken vnd zu stercken / das wir auch nicht zu
seer erschrecken vnd engstiglich sorgen / oder
vns zu tod furchten / ob wir fahr vnd not fur
handen sehen / da vns der Teufel zusetzt /
vnd nachtrachtet / oder plözlich auff vns
plazet / vnd machets so schrecklich vnd grau-
sam / als wolte er vns (wie er hie den Jüngern
furbildet) in einem augenblick versencken /
Sondern weil wir wissen / das wir Christum
bey vns haben / vmb welches willen der Teu-
fel vns angreiffet / sollen wir auch nicht zwei-
ueln / er könne vnd werde vns auch schützen
vnd retten / das wir fur jm / vnd aller seiner
macht bleiben / so lang er selbs fur jm bleibet.

Darumb straffet er auch hie der Jünger vn-
glauben / der sie machet so zappeln vnd zagen.
Ic Kleinglaubigen / Wie seid jr so furchtsam?
Als

Als wolt er sagen/ **Ey**/ seid jr meine Jünger/
vnd habt des glaubens so gar wenig? Sehet
jr nicht/ das jr mich bey euch habt/ welchen die
fahr ja so wol trifft/ als euch/ Oder meinet jr
denn/ das ich nichts mehr sey / nichts wisse/
noch könne/ noch bedencke/ was der Teufel im
sinn hat wider euch vnd mich / oder das er
mein so bald mechtig worden sey / wie er ge-
dencket?

Solch zweiueln/zappeln vnd zagen des
vnglaubens/ straffet er hiemit noch an vns al-
len/ die wir so bald / wenn der Teufel scheus-
lich vnd gewlich anseheth zu toben/ vnd Chris-
tus sich schwach stellet/ meinen/ es sey verlo-
ren vnd wir müssen verderben. Das wir doch
lernen an dieses Euangelium gedencken / vnd
solch bild wol ins hertz drucken/ Wie der liebe
H^{er}r alhie im Schifflin feret / vnd der
Teufel wol anseheth feindlich vnd schrecklich
zu toben (weil er im süßen tieffen schlaff ligt)
vnd mit seinen wellen in das schifflin schlegt/
das es auch damit vmb ringet/ vnd schier bes-
deckt wird. Mus es aber dennoch vnnersen-
cket lassen / bis der H^{er}r Christus auff-
wacher / da er mit einem Wörtlin den Wini-
den vnd wellen gebent / das sie müssen auff-
hören.

Vnd ob wir gleich fur schwachheit des
Glaub

Glaubens zappeln vnd zagen / fülen (wie wir
denn von natur nicht anders thun) sollen wir
doch so klug sein / das wir doch zu Christo zu-
laußfen / vnd in auffschreien vnd wecken / mit
anruffen vnd beten. Denn er leßt sich auch hie-
mit mercken / das er solch ruffen vnd schreien
des schwachen Glaubens dennoch gerne hat.
wie denn S. Paul Ro. viij. solchs heißt / das ru-
ffen vnd schreien des Geists / der vnser schwach-
heit auffhilfft / vnd vns vertritt mit vnauß-
sprechlichem seuffzen etc. Ja / er wil es von
vns haben / weil wir vnser schwachheit vnd zap-
peln fülen / das wir nur getrost zu jm schreien
vnd ruffen / vnd als denn auch zu rechter zeit
vns hülfße vnd rettung thun.

Denn er weis / das wir doch nicht anders
seine krafft vnd hülfße lernen gleuben vnd er-
faren / denn das er vns dahin bringe / das wir
müssen zu jm schreien vnd ruffen / Vnd ob er
gleich on vnser wecken vnd schreien / wol kün-
de des Teufels toben vnd stürmen wehren
vnd steuren / So wil er doch von vns
auffgeweckt vnd angeruffen sein /
auff das wir lernen / wie seine
krafft in vnser schwachheit
mchtig vnd vn-
überwindlich
sey.

Die an

Die ander Predigt/auff das
Fest der opfferung Christi in
Tempel. Euangelium/
Luce. 11.



Und da die tage ihrer Reini-
gung nach dem gesetz Mo-
si kamen / brachten sie in
gen Jerusalem/ auff das
sie in dar stelleten dem
HERRN. Wie denn ge-
schrieben stehet in dem
Gesetz des HERRN/

Allerley Menlin / das zum ersten die mutter
bricht/ sol dem HERRN geheiligt heissen. Und
das sie geben das opffer/ nach dem gesagt ist im
Gesetz des HERRN/ Ein par Dordeltauben/
oder zwei junge Tauben .

Und sihe/ Ein mensch war zu Jerusalem/
mit namen Simeon/ Und der selbe mensch war
frum vnd Gottfurchtig / vnd wartet auff den
trost Israel/ Und der heilige Geist war in im .
Und im war ein antwort worden von dem heili-
gen Geist / Er solt den tod nicht sehen / er hette
denn zuvor den Christ des HERRN gesehen.

G Und

Vnd kam aus anregen des Geists in den Tempel.

Vnd da die Eltern das Kind Ihesum in den Tempel brachten/das sie fur in theten / wie man pflegt nach dem Gesetz / Da nam er in auff seine arm/vnd lobete Gott vnd sprach.

HERR/Nu lessstu deinen Diener im friede faren/Wie du gesagt hast.

Demn meine augen haben deinen Heiland gesehen.

Welchen du bereitet hast / fur allen Volckern.

Ein Licht zu erleuchten die Heiden / Vnd zum Preis deines volcks Israel.

Dies Euangelium / lieben Freund/ hat viel nötiger stück/ vns Christen zu wissen/Vnd beschreibet der Euangelist / erstlich / die zeit der reinigung Marie. Nu wisset jr / das ein Sechswöchnerin nach dem gesetz Mosi/sechs wochen sich muste innen halten/ bis das sie rein geacht würde. War es ein Son den sie zur welt gebracht/ so war sie vierzig tage unrein / war es aber eine Tochter / so war sie

sie achtzig tage unrein / wie das im dritten buch
Mose / Cap. xij. zu sehen ist.

Über das / war noch ein Gesetz / das alle
erste geburt vnd alle erste fruchte von mens-
schen vnd Vieh / durch das ganze volck / von
Gott verordnet war / in den Tempel zu opfer-
fern / das da von der Leuiten / priester vnd pre-
diger Stand würde erhalten / Darumb mus-
sten sie den Leuiten alle erste Geburt bringen /
Die Leuiten aber waren im Israelischen volck
ein ganzer Stam / viel tausent / des priesters-
lichen geschlechts / Denen musste man nu ge-
ben die erste geburt von allen Menschen / Vieh
vnd alle erste fruchte / Denn Gott wolte ha-
ben / das sie jres Ampts warten solten / studien
im Mose vnd Propheten / vnd solt jung
vnd alt von jnen / Gottes erkentnis lernen.

Erhalten solten die Leute die erste ge-
burt zu geben desto williger sein / zu vnterhal-
tung des Predigampts vnd der Gottesdienst.
Vnd schmückt Gott dieselbigen Gaben mit ei-
nem schönen / herrlichen titel / Heissets im selbst
vnd nicht allein den priestern gegeben. Nu war
das volck Israel in zwelff Stämme geteilet /

G ij Diese

Diese zwelff stemme musten den dreizehenden
den Leuiten stam erneeren/ Gleich als wenn jzt
se zwelff man/ solten einen erhalten vnd erne-
ren/ Vnd das der dreizehende Stam erneeret
wurde / da zu waren verordent alle Erste ge-
burt / auff das Gott also seine Pfarr kirchen
vnd Schulen erhielt vnd versorget.

Halben sie nu vleissig den Priestern vnd
Gotte/ was jnen geburte/ von den Erstgebur-
ten/ so gab jnen Gott auch widerumb segen/
Wo sie aber darinnen seumig waren / da gab
Gott dargegen thewer zeit vnd alles vnglück/
Also sollen wir jzund auch haben Pfarherr
vnd Prediger / so sol vnd mus man jnen auch
geben Erstgeburt/ Zehenden/ vnd andere Op-
ffer / das ist/ jre vnterhaltung.

Wist wol zugedencken/ das es dennoch
etwas tapffers vnd hohes getragen hat/ wenn
mans wil rechnen/ Wo zwelffe einen sollen er-
neeren/ vnd sollen die zwelff alle jre erste fruch-
te vnd gewechs / jtem/ alle erste geburt von al-
lerley Vieh/ dazu auch noch den Zehenden vnd
viel andere Opffer geben/ Das mus viel hundert
tausent gulden ein jar getragen haben /
deut

Denn vnter den zwelfff stemmen viel mal hundert tausent man gewesen sind.

Als sey also zum eingang gesagt / von dem stück des Gebots im gesetz Mose / von der ersten geburt. Sonu eine Kindbetterin / einen Son / oder eine Tochter gehabt / so muste sie vierzig / oder noch so viel tage inne ligen / vnd vnter die Leut nicht kommen / Das war ire zeit von Mose inen bestimpt vnd ernent / Wenn die selbige zeit verlauffen war / so must sie gen Jerusalem gehen / vnd alles was zum ersten geborn ward / da in den Tempel leibhaftig bringen den Leuiten / aber die kinder musten sie mit gelde lösen / Doch also das die Reichen vor ire kinder zu lösen / mehr geben musten / denn die Armen / wie solchs alles im gesetz Mose fein war geordnet. Vnd dis alles geschach nur derhalben / das man die Priester / das Predigamt / vnd die Gottesdienst dauon erhielte / darumb hat Gott das regiment so harte vnd ernstlich gefasset.

Gleich als noch jzund ein jglicher Hausvater durch sonderliche ordnung / möchte sein hausregiment fassen / dem Weibe dis / dem Son ein anders / dem Knecht vnd Magd dis

G ij oder

oder das aufflegen vnd befehlen / Das thue
du/da gehe du hin/ Fare du knecht zu holtz/
treib du magd das Vieh aus / melcke die küe/
Item/ so wollen wirs diesen oder jenen tag in
der wochen halten/ heute sol man kein fleisch
oder Kese speisen etc.

WO du nu hie nicht thust nach dem be-
felh des Hausvaters oder Hausherrn / vnd
isfest das er verboten hat / so heisst du vnrein /
oder vnrein fleisch das du isfest/ Nicht/ das es
von natur vnrein vnd böse sey / Aber darumb
wirds vnrein/ das dirs der Hausvater verbo-
ten hat/ du solt heute kein fleisch oder Kese es-
sen/ So du aber isfest/ so wird dir das fleisch
oder Kese vnrein/ nicht das es an jm selv vn-
rein sey/ Denn die Creatur an jr selbst ist nicht
sunde/ Aber dem gebot Gottes nicht gehorsam
sein / das macht es zur sunde/ das es dir vn-
rein wird .

Also ist eine Sechswöchnerin auch nicht
verhalben vnrein / das sie ein Kind zur welt
geborn hat/ Sondern das Gott also hat ha-
ben wollen/ das sie sich solt innen halten / von
den Leuten abgesondert/ so lang/ bis die arme
Mutter widerumb zur krafft keme / Vnd hat
dazu bestimpte zeit geordnet/ die sie alle halten
soltten /

solten/ Denn eine Fray ist stercker / denn die
ander/ einer wirds sewerer vnd herter vber
der geburt / denn der andern / das also die ge-
burt vngleich ist / Darumb ist jnen von Gott
die zeit zur ruge bestimpt.

Darumb ist diese vnreinigkeit der Kind-
betterin nicht zu verstehen / das das werck der
naturlichen weiblichen geburt vnrein oder sun-
de sey / sondern wie der Hausvater mit seinem
verbot das fleisch vnrein macht / also sind die
Weiber durch Gottes wort in sechswochen
auch vnrein. Denn also hat Gott das Volck
gefasst / gleich wie ein Vater sein hausregi-
ment ordentlich fasset / das ein jglichs thue /
was im befolhen ist / vnd seinem ampt zu ste-
het / Item / das im nicht mehr auffgelegt wer-
de / denn es ertragen kan / vnd auch seine ruge
vnd erquickung habe / Item / das eines dem an-
dern helffe die narung erhalten / vnd die hand
reichen / das man nicht mehr vorthue / denn
erworben wird / Vnd sonderlich / das die / so
die andern leren vnd vnterweisen / auch versor-
get vnd erneeret werden / Darumb musste das
ganze volck Israel also geteilet sein in die zwelff
Stemme / das sie den dreizehenden erneere-
ten.



BLB

Badische Landesbibliothek
Karlsruhe

ten. Item / das man gewis wüßte / wo her
Messias komen solt / das nicht mancherley
Christi / sondern ein Christus were / Darumb
hat ers also geordnet / bis das er selbs komen
ist / vnd dazü Propheten gegeben / das man
nicht warten sol / des verheissenen Christi zu
Rom / Babylon / Egypten / sondern in dem
volck Israel / Vnd malet eigentlich aus den
stam Juda / daraus er solt geborn werden / Da
soltten sie augen vnd ohren auff sperren / Aus
Juda wird er gewis komen / Der Stam sol es
sein / vnd aus Dauids hause sol er komen.

Vnd das wir des noch mehr vorgewisset
weren / so zeiget er auch die stad / Bethlehem
sol die Stad heissen / da er sol geborn werden.
Denn also stehet im propheten Michea geschrie
ben. Vnd du Bethlehem im Jüdischenlande /
bist mit nichten die geringste vnter den für
sten Juda / Denn aus dir sol mir komen / der
Herzog / der vber mein volck Israel ein Herr
sey. Vnd das er es ja aller ding auffß gewisset
machte / vnd gleich mit fingern den Messiam
zeigte / So bestimpt er auch die zeit / zu welcher
er / vnd keiner ander zeit / der Messias komen
solt / nemlich / wenn der stam Juda gar darni
der lege / vnd der Scepter von im hin weg ge
wornen

nomen were/ vnd ein frembder Herr auff Da
uids stuel setze/ Da / da sollen sie zusehen/ denn
sey der Messias nicht weit.

Also hat Gott erstlich das volck geson
dert in zwelff Stämme / vnd endlich den
stam Juda ausgesondert / vnd das Haus/
vnd die gewisse zeit/ vnd stete / Das ist alles
also ergangen. Herodes war gar ein fremb
der/ von den Römern zu einem Könige vber
die Jüden gesetzt / Was suchte der da? Sol
ten da die Jüden nicht in der Propheten Bü
cher gelauffen sein / vnd gefragt / wie das zu
gehe / das ein newer König/ vnd ein frembd
ling / auff Dauds stuel sitze? An hatte es
Gott zuvor lassen weissagen / Das Messias
würde geboren werden/ eben zu der zeit/ wenn
sie einen frembden Herrn haben würden.

Das also die Jüden keine entschuldigung
haben/ Sie haben der Propheten Zeugnisse/
vnd tausent vnd fünf hundert jar ist jr Regi
ment in der aschen gelegen. Aber es sind blinde
Gotteslesterer/ vnd vberzeuget mit Person/
Stam / Volck / Hause/Zeit / Stete / Stad/
Namen/ Also ist alles geschehen. Das gesetz

h Mose

Mos hat das Israelisch volck in ein schön ordentlich Regiment / in zucht / straff vnd gehorsam gefast / das es also beyeinander gehalten / die Haushaltung nicht zurstrewet wurde / das man nicht zweynelte noch vngewis were / woher vnd von wem Christus komen solt / Als hette hiemit Gott / beide den Jüden vnd aller Welt wollen sagen / Sihe / da hastu das Volck eigentlich genant / daraus Christus sol geboren werden / darzu den Stam / vnd die Stad / vnd hast auch einen neuen König / der nicht aus deinen Brüdern ist . Dabey soltu wissen / das er nu gewislich vorhanden ist / vnd darffest nu auff keinen andern mehr warten . Das greiffen vnd fülen die Jüden noch bis auff diesen tag wol / Denn sie sind vnder zeit an vber funffzehen hundert jar vnter keinem gewissen Könige gewesen / haben weder Priesterthum / Tempel noch Regiment mehr / sondern müssen hin vnd wider in der ganzen Welt verstreuet bleiben .

Drumb ist dis Gottes meinung gewesen / mit dieser ordnung von den Erstgeborenen Kindern / vnd mit dem ganzen Gesetz / Das solches alles solt zeigen auff Christum / vnd

vnd so lang bleiben vnd gehalten werden / bis
er selbst komen were. Wenn er aber nu komen
were / so solt dieses volck nicht mehr so gefast
noch abgesondert sein / Gleich wie ein Hausua-
ter die kinder erst fasset / Zwinget sie in ein ord-
nung vnd disciplin / helt sie zur Schulen / leret
sie / Wenn sie aber erwachsen / so schickt er sie
aus / Da wird denn einer ein Eheman / der
ander ein Prediger / Regent / Ratman / etc.
Also ist das Gesetz auch ein Zuchtmeister ge-
wesen (spricht S. Paulus) bis das Christus
kompt. Ein Vater sendet sein kind wol in
eine Schule / nicht darumb / das er alleine sol
das A. B. C / oder nichts mehr denn den Do-
nat lernen / Sondern das er sol in freien kün-
sten studiren / Zucht / Lebarkeit / vnd gute sit-
ten lernen / das er ein feiner Man werde / der
Land vnd Leuten dienen könne. Darumb
wenn solche lernung aus ist / so macht man
aus im einen Fürsten / Regenten / Prediger /
Stadrichter / Vnd ist denn die Schule vnd
Haus disciplin vnd Zucht aus.

Wer die andern wollen jmer für vnd
für A. B. C. Schüler bleiben / das ist vnrecht.
Denn Christus der Herr ist komen / vnd ist

H ij ny ein

nu ein new Regiment worden / der Son ist
nu erwachsen / vnd sol nu selbs in die Regierung
seines Erbes vnd eigenthums treten. Wenn
einer sein lebenlang wolt in der Schulen li-
gen / vnd nur buchstabieren / vnd den Donat
studieren / so müßte man in heraus schlagen /
Denn du bist nicht darumb in die Schule ge-
schickt / das du darinnen bleiben solt / sondern
etwas studieren / vnd darnach widerumb
heraus / vnd andern Leuten dienen.

Denn also sagt ein Hausvater zu seinem
Son / Lieber son / Ich hab dich nu erzogen /
du mußt auch nu ein Vater wie ich / werden.
Item / Liebe tochter / du solt hinaus vnd eine
frome Mutter werden. Das ist nicht die mei-
nung / das du für vnd für woltest in meinem
Hause vnd vnter meiner Zucht ligen bleiben /
vnd nicht auch selbs nach deiner besserung /
vnd eigen Haushaltung vnd narung trach-
ten.

Sie gibt Gott vns nu ein Exempel / vnd
spricht der Euangelist / Maria habe das
gesetz Mosis gehalten / vnd sich für vnrein
geacht / Sie ist ein frische gebererin / vnd der
Son ist die erste geburt. Darumb weil die zeit
jrer

irer reinigung gekomen / das sie ire wochen zeit
gehalten / da ist sie in Tempel gegangen / vnd
hat den Son geopffert. Denn also sagt das
Gesetz / Alles Menlin das zum ersten die Mut
ter bricht / sol dem **HERREN** geheiligt heissen.

Sie müssen die Mutter vnd dieser Son / den
namen haben / als seien sie vnrein / als habe
das Gesetz sie getroffen / Denn ob schon dieses ge
bot mit den vierzig tagen / alle ander Mütter
vnd Kinder trifft / so trifft doch diese Mutter
vnd das Kind nicht / Denn das Gesetz sagt /
Alles Menlin das zum ersten die Mutter
bricht. Das Mutter brechen / ist allein von de
nen gesagt / da die Jungfrawschafft verloren
ist / vnd die von einem Man ein Kind haben /
Das ist dieser Mutter nicht geschehen / Denn
sie ist in der geburt / vnd nach der geburt / wie
sie Jungfrau war vor der entpfengnis vnd
geburt / also auch geblieben. Vnd ist jr kein
schade weder am leibe / noch an der Jungfrau
schafft widerfahren / Andern weibern kompts
nicht mit lachen oder kurzweil an / Sondern
sie müssen angst vnd schmerzen fülen / wie
Gott zu Heua sagt / Mit schmerzen soltu deine
Kinder geben / Aber alhie ist es on schmer
zen vnd verschrung zu gegangen / vnd eitel
S ij freude

freude gewest / da sie das Kind geboren hat.
Darumb gehet das Gesetz von der reinigung/
vnd das sie den erstgebornen Son lösen mus-
sten / diese mutter vnd iren Son nichts an / so
ist sie auch nicht vnrein. Aber vber alle ander
Weiber auch vber Heua gehet das gebot /
Mit kummer soltu deine Kinder geben / die
müssen angst vnd schmerzen füllen / Aber also
sawt / mit angst / not vnd schmerzen / ist die ge-
burt Maria nicht antomen.

Wiewol sie nu rein ist / vnd das Gesetz
sie vnd iren Son nicht binden kond / Dennoch
thut sie sich mit irem Son vnter das Gesetz /
ist dem Gebot gehorsam / wiewol Moses inen
nichts zugebieten gehabt / vnd machen sich bei-
de / Mutter vnd Son / dem Gesetz williglich
vnterthan / vnd gehorsam / da sie doch keine
folge oder gehorsam zuthun pflichtig waren /
Denn dieses gebot gieng weder die Mutter
Maria an / noch den Son.

Also beweiset er seinen gehorsam auch ge-
gen dem Gesetz in der Beschneitung / welchen
gehorsam er dem Gesetz auch nicht schuldig
war / vergoss alda sein heiliges Blut / Denn er
war nicht so geboren in sunden / wie andere
Kinder / So ist die Mutter auch eine reine
Fleische

keusche Magd blieben / Das also er ganz heilig vnd vnschuldig am Gesetz war.

Das ist vns nu zum Exempel vorgeschrieben/das wir deste williger gehorsam leisten/den wir schuldig sind/ dieweil wir sehen das der Herr des Gesetzes vnd die vnschuldige Mutter Maria/das gethan haben/Darumb sollen wir es viel mehr thun / die wir in sünden empfangen / vnd mit grossen schmerzen geboren / vnd Gottes gebot mit vns bringen.

So gehet er nu vns fur/ mit seinem Exempel/ als wolt er sagen / Ir seid so verzweihelte buben/das ir das nicht thut/Das ir doch zuthun schuldig vnd verpflichtet seid/ so ir sehet das ich/der grosse Herr / nicht alleine thue/ was mir zuthun zustendig/ sondern auch willig vnd vberflüssig / das / so ich zu thun nicht schuldig bin.

Die Mutter durfft den namen nicht leiden/ als were sie vnrein / Durffte auch nicht in Tempel gehen/ Dennoch thut sie es/ stellet sich als were sie vnrein/ so sie doch die aller heiligste vnd reineste Jungfraw gewesen. Also solten wir auch mit allen trewen emander dienen /
raten

raten vnd helffen / Nicht furwenden / Ich
darffs von rechts wegen nicht thun / nichts
geben / nichts leihen . Nein lieber gesel / der
spruch des göttlichen Gesetzes zwingt dich / so
dein H^{er} Christus sich vnter das Gesetz ge-
than hat / das er nicht zu thun schuldig war /
Lieber / so thue du doch das jenige / das du
schuldig bist zu thun . Christus sagt also Jo-
hannis am dreizehenden . Ein beyspiel hab
ich euch gegeben / das jr thut / wie ich euch ge-
than habe / Item / ein new gebot gebe ich euch /
das jr euch vnternander liebet / wie ich euch
geliebet habe / auff das auch jr einander lieb
habet / Dabey wird jederman erkennen / das jr
meine Jünger seid / so jr lieb vnternander habt .
So sol es vnter euch sein / das jr auch ewren
feinden sollet guts thun .

WAd so wol vnd gutthetig sollen wir sein /
das wir auch da helffen vnd raten / darzu
wir durch weltlich recht nicht köndten ge-
zwungen werden / Denn nach dem selben bin
ich nicht schuldig dir einen pfennig zu geben /
viel weniger einen gülden / Du sterbest oder
verderbest . Ja hörstu / wir haben aber ein
solch recht / das heist nicht allein das thun /
was

was man nach diesen weltlichen Ordnungen
schuldig ist / sondern auch mehr thun denn
man sol. Denn vnser H^{er} Christus hat ge-
than mehr denn er thun solt / vmb vnsern wil-
len. Er ist vmb vnsern willen geboren / beschnit-
ten / vnd gecreuziget worden / Wo war da
das Gesetz / das in zwang vnter die Beschnei-
tung / Reinigung / vnd ander Ceremomen des
Gesetzes / ja an das Creutze / vnd vnter das
Grab? Er thats aus lauter liebe / nach dem
er sahe / das vns von nöten war.

Als sage ich darumb / das du nicht den-
ckest / wie die Mönche / welche / wenn sie ire Re-
gel hielten / meineten sie / sie weren lebendige
Heiligen / das sie kündten Kappen / Platten /
Herinehemden / Stricke tragen / verschlo-
ssen sich in winckel / dieneten keinem Mens-
chen / Sondern du must dencken / das Chris-
tus der doch frey war / ein Knecht aller Knecht-
te wird. So sagt Paulus auch 1. Cor. viij.
Da ich frey war / vnd hette es auch mügen blei-
ben / Hab ich mich jederman zum Knecht ge-
macht.

Also sol ein Prediger nicht dencken /
Was solich der Welt predigen / die doch die
I warheit

Warheit nicht hören/ noch gestrafft sein wil/
vnd vergeblich vngnad / hafs vnd fahr auff
mich laden/ Eben so mehr/ wil ich gute rügi-
ge tage haben / Was gehet michs an / wo sie
bleibet? Nein/ nein es heisst/ Herfür aus dem
Winckel/ Du solt ander Leute lernen / den weg
zur seligkeit vnd ewigem Leben / vnd solts
vmb sonst vnd gerne thun / auch wenn dir
schon kein danckbarkeit drumb würde gege-
ben/ vnt darüber not leiden soltest. Ja/ sprich/
stu/ wie kom ich darzu? das ich sol oder mus
dein Pfarherr / Prediger oder Schulmeister
sein / Bin ich dirs doch nicht schuldig/ so kan-
stu mirs nicht bezalen? Ey/ weil dir der Herr
Christus auch gedienet hat / darumb soltu
andern Leuten wider dienen / vnd sie des ge-
niessen lassen.

SO sagt auch mancher zu einem reichen
Geizhals / Lieber/ ich bin ein armer Bürger/
ein armer handwercks Man/ ich bedürfft wol
das du mir zehen oder zwenzig gülden für-
streckest/ zu meiner narung. Ja/ spricht denn
der Geizwanst / Ich bin dir zu leihen nicht
schuldig/ du kanst mich auch mit keinem recht
darzu zwingen/ das ich dir müste leihen oder
borgen

borgen etc. Ja/lieber Bruder/es ist war/wenn
du wilt nach gemeinem Keiserrecht / Land
oder Stadrecht richten/so verdampft der Rich-
ter dich nicht darumb / das du mir nichts lei-
hen wilt / Er kan dich darumb auch nicht
straffen. Aber wiltu ein Christen sein / so
antworte mir auff dis Exempel Christi.
Christus hat sein Leib vnd Leben am Creutz
dahin gegeben / vnd sein Blut fur dich
vergossen / wie er denn auch vmb deinet
willen von Himmel gekommen / geboren worden/
beschnitten / gereiniget vnd sich vnter das
Gesetz gethan hat. JA/das alles hat er dir ge-
than/aus ewiger armut vnd not zu helfen/
Da er dir doch gar nichts schuldig war/Son-
dern du in der ewigen schuld / vnter seinem
ewigen zorn / zur Hellen verurteilt lagest.

Diese schuld hat er dir geschencket / vnd
dazu durch sein Göttliche gnade vnd ga-
ben selig vnd reich gemacht / Vnd du wol-
test nicht wider jm so viel zu lieb vnd ehren
thun / ob du es gleich nicht schuldig werest /
das du deinem Nehesten mit einem klei-
nem helftest / das dir Gott reichlich gegeben
hat/So dich doch beide / das Gesetz der liebe
J ij solches

solches schuldig machet/ das du deinem Nehesten thust/wie du in gleicher not woltest dir gethan haben. Vnd dazu das hohe Exempel Christi deines Herrn / der es hoch genug umb dich verdienet / vnd sich genug hat lassen kosten/da er alle seine göttliche Ehre/gut/Leib vnd Leben / gang für dich hat gegeben etc.

Drumb wird dich hie nicht entschuldigen/sondern viel mehr beschuldigen vnd verdamnen/als das von einem Christen schendlich lautet / zu hören oder zu sagen/ das du fürwendest/ Ja / ich bin das zu recht nicht schuldig / so hat mirs meine Oberkeit nicht befelhet gethan/meinem Nehesten etwas zu schencken oder zu leihen/ oder etwas von meinem rechten/umb Liebe vnd einigkeit willen zu weichen. Nein/ lieber gesell/ Hörstu nicht/ das Gott wil ein solch Volck haben / da einer hie / der ander dort / dem andern diene / rate / helffe / guts thue / was er jmer kan. Also / das das ganze Leben der Christen in solchen wercken der Liebe gehe.

ALS / wo Gott einen Prediger die gnade gegeben/ die heilige Schrift zu verstehen vnd auszulegen/oder einem andern Weisheit vnd vernunft gegeben/zu regieren. Da sol er dem

denn nicht schlaffen / oder gute tage suchen /
sondern studieren / die Schrift ausbreiten /
seinem Ampt getrewlichen vorstehen / Nicht
thun wie die Mönche gethan / so sich in ire
Zellen versteckt / noch sich spiegeln in seine ei-
gen Gerechtigkeit / Heiligkeit vnd Weisheit /
Sondern heraus brechen / vnd andern sagen
vnd predigen was er kan / vnd thut / was er
vermag in seinem Ampt. Denn solche Gaben
sind nicht darzu gegeben / das du damit pran-
gest / stolzierest / dich brüwest / vnd andere ver-
achtest / Sondern das du Gotte vnd den Leu-
ten / trewlich damit dienest.

SHe deinen lieben **H**errn Christum
an / Der war / als ein warhafftiger Gott / vol-
ler gnaden vnd heiliges geistes / aber er stelt
sich nicht / als were er vnser Herr / Fürst /
Keiser oder König / sondern / Ich kome (spricht
er) nicht das man mir sol dienen / Ich wil
euch dienen. Darumb sind die Gaben vns
nicht gegeben / zu vnserm künzel / hoffart / trotz
oder stolz / Sondern dem Nehesten zu nutz
vnd hülffe / wo wir nur können.

Wie lesen vnd sehen in der Bibel von
I ij dem

dem Vorzug vnd herrligkeit / der erstgeborenen
Kinder im Gesetz / welche waren herrn im
Hause / vnd musten Gottes Kinder heissen / vnd
Gotte geheiliger / vnd auch in den Tempel herr
lich getragen werden / gleich als weren ander
Kinder nicht auch Kinder / Vnd haben auch
einen grossen vorteil am Erbe gehabt / das sie
zweimal so viel / als der andern Kinder eines
geerbet / Vnd die andere Kinder haben juen
müssen vnterthan sein.

Aber dauon wurden sie stolz / vnd wolt so
bald Cain vber Abel sein / Denn Cain heist
auch possessio, hereditas, das Erbe / Er heist /
Alles / aber Abel heist Nichts. Cain wird nu
stolz / erhebt sich vber seinen Bruder / ist im
feind / lefft sichs düncken / er sey der Erstgebore
ne / vnd meinet er sey Keiser vnd Papst / Vnd
war auch zum teil die warheit / denn er war
der Herr vor den andern Kindern / Denn die
Erstgeborenen hatten die zwo herrligkeit / kund
ten König vnd Priester zugleich werden / die
andern waren nur Hausregenten. So war
der Erstgeborene auch der Doctor / Lerer vnd
Prediger des Volcks / Ein Regent in der Geist
ligkeit. Darumb ist Cain so hoch daher ge
fahren / Ich bin dennoch Gottes Son / vnd
bat

hat darauff sein Opffer erstlich gethan / Als
wolt er sagen / Ich sol der Herr sein / Regent
vnd Priester / Darumb mus mein opffer für
Gott gelten / vnd viel besser sein / denn meines
Bruders / Ja / wo seines auch angenehme sein
sol / so mus er des meinen geniessen / vnd vmb
desselben willen mit gehen / Feret auff solchen
troz fort / vnd da er sihet / das sich Gott zu
seines Bruders Opffer gnediglich feret / wird
er zornig / meinet es geschehe jm vnrecht / vnd
habe vrsache vnd fug wider jm / verfolget jm /
bis das er jm erwürget.

Also war Cain erster Son / von Gott
selbs gegeben / aber vmb seine hoffart vnd
troz wider seinen Bruder / muste er gesturzt
vnd verstoffen werden . Die liebe mutter He-
ua / war nicht viel vber ein halb jar / oder ganz
jar elter / denn Cain jr Son / der war es treff-
lich köstlich ding mit dem erstgeborenen Sön-
lin / vnd grosse freude / wie sie sagt / Ich hab
den Man / den **HERRN** selbst / Aber dersel-
bige stolze Man / ward von Gott verstoffen.
Cain solte vnd wolts auch sein / Abel muste
asschenbrüdel sein . Aber was geschicht? Cain
ist stolz auff sein Erstegeburt / veracht seinen
Bruder

Bruder / trachtet jm nach Leib vnd Leben /
bis das er in vmbbringt / vnd wird er der be-
feste / ergeste erzbube / aber Abel der letzte wird
der beste vnd erste . Also ist es hernach mit
Ismael vnd Isaac / Item mit Esau vnd Ja-
cob / Desgleichen Dauid auch mit seinen erst-
gebornen Söhnen / ergangen .

Darumb hute sich ein iglicher / du vnd ich /
wenn dir Gott einen vorteil vnd vorzug thut /
das du nicht gedenckest / du habest es darumb
das du damit prangen vnd stolziren solt /
Sondern das du andern dienest / mit dei-
nen Gaben . Denn also sagt Gott / Ich hab
dich Cain zum ersten son gemacht / nicht das
du deinen Bruder verachten / sondern jm hel-
ffen soltest . Also wird er zum Keiser / vnd an-
dern Fürsten vnd Potentaten sagen / Ich hab
dir das Keiserthum / Königreich / Fürsten-
thum gegeben / Wozu ? das du die fromen
vnd Gottfürchtigen / oder meine christliche
Kirche soltest ausrotten ? Nein / sondern da-
zu hab ich dir mein Schwert gegeben / das du
damit die Türcken schlagen soltest / vnd von
der Christenheit weg treiben / vnd die selbigen
beschützen vnd verteidigen . Item / ich hab
dich

dich reich gemacht / nicht das du es vnnütz-
lich soltest verbarwen/verbrassen/verbrangen/
Sondern deinen Landen vnd leuten damit
helffen / vnd der armen verlassenen Kirchen
schutz vnd hülfße erzeigen. Ja: Gott hat mich
selbs erfür gezogen/ vnd vber andere gesetzt
vnd geehret/ Ich bin der erste Son. Ey/ das
günne ich dir wol / brauchts nur wie sichs ge-
bürt / Ich hab gesagt/ man sol dir folgen / ge-
horchen/ernerren/ vnd für einen Herrn halten/
als einen Keiser/ König oder Fürsten. Das sol
also sein / ich wils also haben/ Wenn du aber
darauff wilt pochen / stolzieren / der Christ-
lichen Kirchen nicht dienen/ sondern arme leute
schinden / schaben/ schazgen vnd plagen/ So
wil ich dich Keiser / König / Fürsten vnd
Herrn stürzen/ wie ich andern grossen Potens-
taten gethan.

Das sey daruon geredt/ das vns Chris-
tus ein Exempel gibt/ sein leib vnd leben vor
vns darstreckt / auff das er vns helffe/ Vnd
wir auch hinfürder also gedenccken/ Hat mein
Herr Christus/ mein Gott vnd Schepffer/
mir das gethan/ sein Blut für mich vergossen/
das er zuthun nicht ist schuldig gewesen/ Ich
K aber

aber sols thun / vnd bins zuthun schuldig / vnd
wils dennoch nicht thun / Pfu dich an / bistu ein
Christ / Du bist nicht werd / das du ein kuhe/
esel / oder ochse werest / Welche vnuernünfftige
thier doch thun / was sie sollen thun / Eine kuhe
ist doch from / frist nicht selbs die milch / brin-
get sie nicht vmb / sauget sie nicht aus / frist das
kalb / so sie tregt / nicht selbs / Sondern tregt
das kalb / die milch / kese vnd butter / den men-
schen zu gut / vnd reicht solchs alles willig / den
Menschen danon zu erhalten / gebrauchts selbs
nicht / Ist wol zu frieden / das man jr gras vnd
futer gibt / das sie imer mehr könne tragen
vnd geben.

Da lerne doch von der Kuhe dich schemen /
du vnflätige / wilde / vnuernünfftige Saw / so
du nicht von deinem HErrn vnd Heiland ler-
nen wilt / als ein Christen zu leben. Wo wöllen
doch die diebe / mörder / reuber / tyrannen blei-
ben / der jzt die Welt allenthalben voll ist / die
da stelen / rauben / wuchern / drucken vnd schin-
den ire vnterthanen / vnd reißen das jenige an-
dern Leuten aus dem maul / daruon sie leben
soltten. Sie sind nicht werd des herrlichen Na-
mens / das sie Menschen heissen sollen / Sie
sind

sind nichts besser denn Teuffel/Wolan last sie
getrost reissen/ krazen/ scharren / schinden/es
wird ein mal vbel zu gehen. Was hülffe es/
wenn Gott noch so viel geldt gebe/ so die Wu-
cherer alles zu sich reissen/füllen einen Kasten
nach dem andern/Das/ wenn schon die Elbe
vol silbers / vnd der Rhein vol gold flösse/
noch kündten sie darmit nicht gesetiget wer-
den/ vnd würden doch arme Leute nichts da-
von gebessert werden/ Die Geizhelse würden
eifern mauren vorziehen / das niemand dazu
komen kündt.

Die Jüden halten sich auch für die Erste
gebornen söne (wie sie denn auch bis auff den
heutigen tag sich stölgiglich halten / so sie doch
nu funffzehen hundert jar / durch Gottes
zorn gestürzt vnd verstoffen sind) die Heiden
aber für den armen nichtigen Abel/Vnd were
inen von Gott wol gegünnet gewest / das sie
solchen vorzug vor vns hetten/ Ja / sie wollen
aber einē misbrauch daraus machen/vnd dar-
auff trogen wider Gott vñ die leute/vnd Chris-
stum Gottes son vnd vns Christen tod schla-
hen/Darumb sollen wir inen sagen/es ist war/
wir haben ja viel gutes vom Stam Israel/
K ij Wie

wir haben das Gesetz / die Propheten / Ja
Christum selbs von jnen / Denn er ist ja nicht
von vns / sondern von den Jüden komen.
Aber jr Jüden wolt ewern bruder Abel mor-
den / der auch zu dem HErrn Christo gehört /
Vnd thut gleich wie der leidige Satan / Der
wolt auch sich vber Gottes Son erheben /
vnd alle ander Engel auch mit füßen treten /
aber es bekam jm auch vbel.

Darumb sollen Christen lernen / nicht stolz
werden / noch andere verachten / ob sie gleich
mit grossen hohen gaben vberschüttet weren /
vnd gedenccken / Lieber Gott / du hast mir viel
gaben geschencckt / ich wil sie andern mitteilen /
vnd jederman damit dienen / wie mir mein lie-
ber HErr vnd Heiland / mit seinen göttlich-
en Gaben gedienet hat. Wenn wir so theten /
so hetten wir alle fülle vnd vberley / Sonst
schagen vnd scharren wir / vnd wuchert einer
viel tausent gülden / hat doch niemand gnug /
vnd ist weder er noch andere grosses guts ge-
bessert / bis so lang das es durch Gottes
straffe zurstrawet / vnd zurinnet wie es ge-
wonnen ist. Denn wo mans nicht also wil
brauchen / wie es Gott befolhen / vnd dazu er
es gegeben

es gegeben / so mus alles zu wenig werden /
Korn / gelt / holz / Vnd wenn gleich alles vol
Korn / gelt / gold flösse vnd vbergienge / so
hilffts dich doch nicht / wenn der Geiz nicht
auff höret / der allein alles zu sich keuffen / reis-
sen / kragen vnd schatzen wil / Item / so der Kost
vnd Geldfrass (der da Wucher heist) drein
kompt / vnd nicht auff höret / so sol es doch dir
vnd deinen kindern nicht gedeien / ob dir auch
alle Beum Gold / vnd alle Leker hundertfelig
Korn trügen.

Das sey kurz von dem Exempel Christi
gesagt / Das ein Christ sich also sol finden las-
sen / das er sich gegen seinem Nehesten erzeige
vnd halte / wie sich Christus gegen vns erzeigt
hat / Sonst ist alles vergebens vnd
falsch / was du von Christo
vnd dem Euangelio
rühmest.

K ij DJe

Die dritte Predigt / auff den
fünfften Sontag nach Epiphanie/
Euangelium Matthei am xiiij.



Reget jnen ein ander
Gleichnis fur / vnd spr
ach / Das Himmelreich ist
gleich einem Menschen/
der guten Samen auff
seinen acker seet / Da aber
die Leute schlicffen / kam
sein Feind / vnd seet Vn
kraut zwischen den Weizen / vnd gieng dauon.
Da nu das kraut wuchs / vnd frucht bracht / da
saw sich auch das vnkraut. Da tratten die kne
chte zu dem Hausuater / vnd sprachen / Herr /
hastu nicht guten samen auff deinen acker geset
Wo her hat er denn das vnkraut? Er sprach zu
jnen / Das hat der Feind gethan. Da sprachen
die Knechte / Wiltu denn / das wir hingehen / vnd
es ausgetten? Er sprach / Nein / Auff das jr nicht
zu gleich den Weizen mit ausreuffet / so jr das
vnkraut ausgettet. Lassets beides mit einander
wachsen / bis zu der erndte. Vnd vmb der erndte
zeit / wil ich zu den Schnittern sagen / Samlet
zuuor

juor das Unkraut / vnd bindet es in bündlin/
das man es verbrenne / Aber den Weizen samlet
mir in meine Scheuren.



Als diese Gleichnis bedeut / hat der
Herr Christus selbs in diesem
Capitel angezeigt vnd ausgeles
get / Denn also spricht der Euangi
gelist. Da Ihesus das Volck von
sich lies / vnd heim kame / tratten seine Jünger
zu jm / vnd sprachen / Derte vns diese Gleich
nis / vom Unkraut auff dem Acker: Ihesus
antwort / vnd sprach zu jnen / Des menschen
Son ist / der da guten Samen seet. Der Acker
er ist die Welt. Der gute Same / sind die Kinder
des Reichs. Das unkraut sind die Kinder der
bosheit. Der Feind der sie seet / ist der Teufel.
Die Erndte / ist das ende der Welt. Die
Schnitter / sind die Engel etc.

Also hat der Herr selbs ausgelegt / was
die Gleichnis sey / Darumb werden wirs nicht
besser machen / Sondern sollen vnd wöllen
bey der Auslegung des Herrn Christi blei
ben / Nemlich / das der Acker die Welt sey.
Des menschen Son / der Herr der da seet.
Der

Der gute Samen / die Kinder des Reichs/
vnd so fortan. Das ist so viel gesagt/ das die
heilige Christliche kirche / von anfang der
Welt her / vnd auch bis ans ende (So er die
Erndte nennet) böse Buben bey sich habe/
vnd der selbigen nicht kan los werden / vnd
das also in diesem leben / auff Erden / alzeit
frome vnd böse / vnter einander vermengt
sein werden.

Als man sich nu hierinnen recht halte
vnd schicke/ Das ist nicht ein geringe kunst/
Klugheit vnd Weisheit. Denn auch vorzei-
ten viel Kerzer gewest / vnd noch solcher
viel sind/ die eine solche Kirchen wöllen haben/
darinnen kein böses sey / Sondern alle klug/
from/heilig vnd rein. Solche leute sind die Ca-
thari vnd Donatisten gewesen/ vnd noch heu-
tiges tages die Widerteuffer/ Münzer/ vnd
der gleichen/ die alles tod wolten schlagen vnd
ausrotten/was nicht heilig were. Vnd sonder-
lich die Münche lieffen aus der Welt/verlies-
sen ire Empter vnd Pfarrhen/vnd krochen in
winckel/auff das sie heilig sein möchten/Gotte
dienen/beten/fasten / vnd nicht so ein böses les-
ben führen/wie die Welt füret.

DJser

Dieser jethumb ist allzeit krefftig in der
Welt gegangen / das die Ketzer eine solche
Kirche haben wöllen / da kein böses innen we-
re / Vnd sichtet natürlich alle frome hertzen
an / das sie darob bekömert vnd betrübt wer-
den / wie hie von den Knechten des Haus
vaters gesagt wird / wo sie sehen das vnkraut
auffgehen vnd vberhand nemen / Wolten ger-
ne / das es allenthalben recht zugienge / vnd
nichts denn eitel reiner guter Weizen gesehen
würde. Aber der Text sagt hie dargegen viel
anders. Adam / der die erste Kirche auff erden
hatte vnter seinen zweien Sönen / meinet
auch / seine Kirche solte ganz rein / vnd kein vn-
kraut darinnen sein / Aber ehe er sichs versihet /
da feret Cain zu / vnd erwürget seinen bruder
Abel / Das war ein böse vnkraut / vnd eine
sch:arffe stacheliche distel.

Also auch Nocha / da er selb acht in der
Sindflut erhalten / vnd vberblieben war /
Meinet / er het nu eine schöne reine Kirchen /
So fuhr sein Son Cham zu / vnd verspottet
den Vater / Richtet eine eigen rotte wider in
an. Also lieset man durch vnd durch in der
Schrift / das von anfang also gegangen sey /

L vnd

vnd müssen bekennen / Das keine Kirche so
rein vnd heilig sey gewesen / Sie hat etliche
böse vnter jr gehabt. Abraham hatte in sei-
nem hause / den Imael. Isaac den Esau / Ja-
cob hat vnter seinen Söhnen auch / die es böse
gnug macheten. Vnd wer sind wir denn / die
wir also wollen regiren / das gar kein Un-
kraut vnd unreinigkeit vnter vns sein solt:

S. Augustinus hat auch viel damit zu-
thun vnd zukempffen gehabt / wider die Do-
natisten / welche auch sich vnterstunden / ein
solche Kirchen anzurichten / Vnd sich darob
sonderten von der gemeinen Christlichen
Kirchen / Welche doch die Lere vnd brauch
der Sacrament rein hatte. Denn wenn
man sich so aussaubern vnd rein haben wil /
so macht mans viel erger damit. Es muste
Christus selbs / vnd die Aposteln / den Judam
auch bey jnen leiden vnd dulden / vnd ist gemei-
niglich geschehen / Das die reinsten Mönche /
die ergesten Buben gewesen sind / Geschwei-
ge / das sie darzu das Euangelium haben ver-
loren / So sind sie auch / in jrem eusserlichem
leben / die ergesten Hurentreiber gewesen / Das
hatten sie dafur / das sie allein rein sein wol-
ten vnd

ten/ vnd der Welt durch ire reinigkeit helffen/
Bettelten damit der Welt jr schweis vnd
blut abe.

Drumb so müssen wir auch Judam
vnter den Aposteln lassen bleiben / Vnd bö-
se Buben sein lassen in der rechten Kirchen.
Summa / es bleibt also / Das / wo Gott
eine feine / reine Kirche anricht / da bauet
als bald der Teuffel eine Cappell darneben.
Das ist nu / wie hie das Euangelium saget /
Das / wo der Hausuater den guten Sa-
men geseet hat / da kompt der Feind / vnd
setet auch sein Unkraut darunter. Das man
darumb nicht erschrecke / als ich selbs vor ze-
iten erschrack / da ich Gottes wort rein zu pre-
digen angefangen / Vnd dennoch aus vnser
Schulen vnd Kirchen darnach kamen / Wi-
derteuffer / Sacramentirer / Antinomer / vnd
andere Kottengeister / Ich konde aber nichts
darzu / Denn ich wuste / das der Samen recht
vnd gut war / aber ehe ich zusah / da war der
Teuffel mit eingeschlichen / vnd andern Sa-
men vnter den guten geworffen / Der machet
solch mancherley Kotten vnd schwermerey /
denn er wil schlecht auch mit in der Kirchen
zuthun haben / Wie er als bald im anfang /
L ij wolte

wolte im Paradis bey dem Menschen sein/
vnd also allezeit / wie Hiob j. sagt / vnter den
kindern Gottes ist / Also müssen wir leiden/
das er allenthalben zu vns wil / vnd sich vnter
vns machet / hie mit Jüden / Türcken / Spa-
niolen / dort mit des Papssts vnd andern
Kotten / Die wöllen alle bey vns sein / vnd
vnseren Kirchen beschmeissen / Wir thun oder
sagen was wir wöllen / so wil der Teuffel bey
vns sein / wie er bey Hiob war / Dem wirfft
er sein Haus vber ein hauffen / Tödtet jm seine
söne vnd töchter / Plagt jm seinen leib mit
bösen schweren vnd eiter / zu martert dazu sein
hertz vnd gewissen / mit angst vnd schrecken
der straffe Gottes / Das weib fehet auch an /
jm zu fluchen. Vnd dieweil dieses leben weret /
so thut sichs nicht anders / Es ist im anfang
also gewesen / vnd bleibt auch also bis an
Jüngsten tag.

Wer hie ist nu die Meisterschafft / wie
man den sachen thun sol / Wenn wir sol-
ches sehen vnd erfahren / vnd nicht weren
noch vorkomen können : Die knechte des
Hausuaters / meinen den sachen zu raten / vnd
sagen. **H**err / Wiltu / das wir hingehen / vnd
es aus

es ausgetten: Aber der Hausvater antwor-
tet jnen/Nein/nicht also/auff das jr nicht auch
den guten Weizen mit dem vnkraut ausget-
tet. Was ist das: Wie sol man die Ketzer dul-
den vnd leiden / vnd doch auch nicht leiden:
Wie sol ich mich darein schicken: Keuffe oder
tilge ich das vnkraut an einem ort aus/so scha-
de ich dem andern Korn/ vnd wechset doch am
andern wider. Also / ob ich schon einen Ketzer
ausrotte/so gehet doch der selbe Same/ vom
Teuffel geseet / an zehen orten wider auff/
Denn der Teuffel sucht doch durch die Raten
vnd vnkraut/ den Weizen gar zuuerderben/
Wie thu ich jm denn/ das ich jm recht thu:

S. Paulus sagt / Hæreticum deuota. Ein-
nen Ketzer soltu meiden. Da stehet der Text/
Thue jm in Bann/vnd hab nichts mit jm zu-
schaffen. Wie wiltu aber das zusamen bring-
en / nicht austreuffen vnd wachsen lassen/
Vnd dennoch vermeiden: Hie rat Keter gut.
Auff das mans aber deste bas verstehe/ So
wil ich ein gleichnis geben.

Wir Christen sind allzumal vnternan-
der / gleich / wie des Menschen natürlicher
Leib/

Leib / welcher weil er auff Erden ist / ist er
nimer aller dinge rein / weder innerlich noch
eufferlich. Inwendig ist er vnrein / denn da ist
er vol rotz / schnodels / schweren / eiter / mists /
vnflats vnd stanccks. Auswendig ist er reu-
dig / grindig / lausicht vnd scheinicht hat trieffen
de / butterige augen vnd ohren / Vnd je lenger
er lebt / je weniger schönes vnd reines an im
ist. Wiewol wir wissen / das der Christen Leib
in jenem Leben / sol schön vnd rein werden /
vnd viel klerer vnd reiner / denn jzt ist die helle
Sonne / Denn diesen vnflat vnd vnreinig-
keit / mus er zuvor gar ablegen / vnd darumb
verwesen / das er Geistlich vnd Leiblich / ganz
rein werde ! sonst wil in Gott im Himmel nicht
haben.

Ob nu gleich wol des Menschen Leib
noch so heftlich / kretzig / gnetzig vnd vnrein
ist / dennoch müssen wir den vnflätigen Sack
haben / vnd können sein nicht geraten / Denn
on in künden wir nicht leben / noch Kinder auff-
ziehen / haushalten / regieren etc. Müssen also
den stinckenden vnreinen wanst tragen / so
lang das Leben weret / Vnd das haushalten
vnd regiment in der Welt erhalten werde /
bis das

bis das alle Kinder gezeuget vnd Menschen ge-
born werden/daraus im Gott seine Christo-
liche Kirche samlet/zum Ewigen leben.

Vnd ist hie niemand so tol vnd töricht/
der darümb seinen Leib/oder desselben glieder/
von sich werffen/oder in hassen/leid vnd scha-
den thun wölle/ ob er gleich vnrein vnd vnles-
tig ist / Sondern er neeret vnd pflaget sein/
spricht S. Paulus / vnd je mehr er gebrechlich
ist/je mehr man fur in forget/ Vnd wo im etz
was feilet / da lauffen die füsse / vnd greiffen
die hende zu / vnd wolten im gern helfen/ Ist
er grindig / so sucht man rat / das man den
grind möge heilen / oder je weren/ Hebt er an
zu schweren vnd eitern/ so reiniget vnd sau-
bert man in/ Doch also/ das man dem vnrei-
nen Glied nicht schaden thue/ Kan er nicht
auswerffen/ so brauchet man der Apoteck/
vnd allerley Arzney / das er nur wol sich rei-
nige vnd aussege.

Vnd summa / wenn auch der Leib am
gesundesten ist/ so kan er doch nicht rein sein/
er mus auswerffen/ spützen/rogen/vnd imerz
dar mit seinem vnflat sich tragen vnd fegen/
Vnd

Vnd bleibt doch ein kreziger/grindiger/sinckender Leib/das kan man jm nicht entnemen/noch aller dinge wehren / man wolt in denn gar verderben/ Bis das ein mal das stündlin kompt / da er vnter die Erden gelegt / vnd verscharret / vnd die Wärme vnd Maden/ jr recht an jm bekommen / vnd den vnflat verzeren/bis er ganz new vnd rein werde. In des mus man sich gleichwol mit jm schleppen / vnd also bleiben lassen / Vnd nicht darumb ein Glied abschneiden / vnd hinweg werffen/ ob es vngesund / süchtig / Ja auch vntüchtig vnd verderbet ist/ Sondern so man nichts mehr helfen kan / so tregt mans doch/ vnd hat gedult damit / Es sey denn/das es so gar böse wird/ das es nicht mehr am Leibe bleiben kan / Sondern ganz faul vnd tod/ sich selbs absondert/vnd die andern Gliedern auch verderben wil.

Süßlich ist der Mensch (auch so er ein Christen ist) in diesem Leben auch vnrein/ Denn er ist noch nicht one sünde/ Ob er wol vergebung der Sünden hat/vnd durch den heiligen Geist geheiligt ist. Wie reimet sich das? Antwort. Wir singen in vnserm

ger/ger
vijn nicht
n/man
ein mal
z. Leiden
dürme
vnd den
drein
sl mit
/ Vnd
vnd h
/ Ja
ndern
tregt
Es sey
nicht
gang
die and
tensch
iesem
noch
er S
f geh
rt. W

ferm Glauben/vnd ist war/von dem heiligen
Geist/der die ganze Christenheit auff erden
hellte in einem sinn gar eben / das allhie alle
Sünd vergeben werden etc. Des haben wir
zu Warzeichen vnd sterckung solchs Glauf-
bens/die heilige Tauffe/Sacrament des leibs
vnd bluts Christi / vnd die Absolution / das
daran kein zweifel ist/das/so wir glauben/alle
Sünde vergeben sind / Vnd sind demnach
durch solchen Glauben fur Gott gerecht / ge-
sund vnd rein.

Wer nichts deste weniger/haben vnd fü-
len alle Christen noch viel vbrigs vnflats vnd
vnraines an jnen selbs / als/das sie Gottes
wort nicht so gerne hören/noch so starck glauf-
ben/vnd frölich bekennen / nicht so brünstig
anruffen/ noch Gottes gebot volnbringen/
wie sie solten/ Vnd gehet mit jnen/je lenger sie
leben/wie man pflegt zu sagen/ je elter je fer-
ger / je lenger je erger / Vnd summa/es ist hie
niemand on mancherley gebrechen vnd
schwachheit/welches je vnrein vnd sünde ist/
das es auch verdämlich were/wo es nicht ver-
geben würde/Welchs wir auch viel mehr vnd
stercker sulen / denn das so gut vnd rein an
M vns

vns ist/ Vnd ist also vnser grosse tegliche klage
das wir des sündlichen leibs nicht können los
werden/ sondern müssen vns damit schleppen
vnd tragen / bis in die gruben.

Wie sol nu hie ein Christen thun / so er
sein unreinigkeit vnd sündliches / an jm selbs
für et: Ablegen kan ers nicht auff ein mal/ vnd
mus es leiden / on das er teglich daran be-
ffert/ so viel er kan/ Mus aber darumb nicht
an jm selb verzweueln / oder für Gott ver-
dampt vnd verworffen halten/ noch ablassen
seinen Glauben vnd besserung zu treiben/
Sondern jmer fortfaren / mit glauben / anru-
ffen / seine eigen schwachheit zubessern / vnd da-
wider zustreiten / bis so lang / das ein mal sol-
che enderung an seinem Sündlichen leibe ge-
schihet / das die Sünde gar an jm auffhö-
re etc.

Wist es je ein wunderbarlich ding vmb
einen Christen / dauon man sagt / vnd ist
war / das er ist in der Tauffe von Gott
so hoch begnadet / da er vnter dem schrecklich-
en Zorn / von wegen der sünden / vnd dem ewi-
gen Tod vnd des Teufels gewalt gelegen ist /
das er jm sein Wort vnd verheiffung von der
Erlö

Erlösung gegeben / vnd so hoch geliebet / das
er im seinen Eingebornen son von Himmel ge-
sand / Vnd fur in lassen einen armen Menschen
werden / vnd fur seine Sünde vnd Göttliche
en zorn / mit seinem eigen blut vnd tod beza-
len / vnd im den selben mit alle seinem ver-
dienst vnd krafft zu eigen gegeben / Dazu mit
seinem heiligen Geist geheiligt / vnd summa /
zu einem Kind vnd Erben in angenommen im
ewigen Leben / vnd zum HErrn des himels /
vber Tod / Teufel vnd Helle gesetzt etc.

WENN nu ein Christen solchs hörete /
das Gottes son von Himmel zu vns komen /
vns gepredigt / vnd sich selbs vns gegeben /
Solt er nicht (wo er es recht vnd gantzlich
glaubte) fur freude gar erstarren vnd entzuckt
werden? Denn wer kan es gnugsam ausre-
den / oder begreifen / wie gros trefflich ding es
ist / das Gottes Son vnser fleisch vnd blut
worden / vnd vnser eigen ist. Ja / die Engel im
Himmel können sich nicht gnug darob verwun-
dern / das Gott vns arme verlorne Menschen
so hoch geliebet / vnd solch vnaussprechliche gü-
tigkeit an vns beweiset / das er selbs ein
Mensch wird / mit vns redet / vnter vns wo-
net / fur vns am Creuz stirbet etc.

M ij SO

SO dich nu jemand fragete / Lieber /
glaubstu auch / das Gottes Son / die ewige
allmechtige Maieestet / vmb deinen willen von
Himmel herab komen / fur dich Gottes zorn ge-
tragen / vnd fur deine Sünde gestorben sey /
Solt es aber gewislich war sein: So mustu
sagen / so du recht vnd warhafftig antworté
wilt / wie du fülest) das du dich dafür ent-
setzen must / vnd bekennen / das du es nicht al-
so gewislich vnd vngeweielt glauben kanst /
noch in dein hertz gehen wil / wie du dauon hö-
rest / Vnd must doch als ein Christen / sagen /
Es ist doch ja die warheit / Ich weis ja das es
gewislich Gottes wort ist / vnd hat mir mein
lieber HErr / ja so viel warzeichen hinder im
gelassen / als die hochwirdige Sacrament der
Tausse / des Abendmals Christi / dazu auch
die Absolutio / da Gott selbs mit mir redet /
mich teuffet / mich speiset / vnd mir selbs die
hende auff den kopff legt / vnd mich von sün-
den vnd von seinem zorn los spricht / Aber ich
sehe vnd füle leider / das mirs doch gar nicht
also zu hertzen gehet / noch also glenbe / wie
ich solt

Wenn wo du solchen Glauben also starck
vnd gewis fületest / wenn du die absolutio hö-
rest

retest sprechen/so kündtestu vor grossen freunden nicht vngetantz vom Priester gehen/Also auch im Sacrament des altars /da dir gegeben wird der warhafftige leib vnd blut vnseres HErrn Ihesu Christi/ Da soltestu auch zu lauffen/ vnd vor freunden springen / vnd solten sich die Leute drum bdringen / weil sie den HErrn Christum selbst da hören reden. Aber weil wirs für den augen vnd für der thür teglich haben vnd hören / so gehets zu einem ohr ein/ vnd zum andern wider aus . Gehestu zum Sacrament/ so gehestu doch dahin/ vnd wider dauon/ als ein stock / oder leest ander Leut darzu gehen/ vnd bleibstu darvon . Also hörstu auch mit solcher andacht Gottes wort/ vnd das Gottes son vor dich gestorben/ gleich als sagt man dir/ das der Türck den Sultan geschlagen/ oder der Keiser den König von Franckreich gefangen hab / oder sonst ein mehrlin/ Denckest nicht / das es dich angehe/ bist dargegen ganz eiskalt / zündest dein hertz nicht an/ fragest nichts nach deiner Seel oder ewigem Leben.

Als thun die rohen wilden Leute / die nach Gott nichts fragen/ Vnd trawen/ wir die besten

M ij

besten Christen thuns auch. Wir können die freude nicht haben/noch ins hertz bringen/wie wir doch gerne wolten. Es wil nicht ins hertz/marck vnd bein gehen / schmeckt vnd lebt nicht/tröstet vnd freuet vns nicht/ wie es solte. Das macht der alte Adam / vnd vnser sündliche Natur die Sünde so noch in vns steckt / die zwingt mich vnd dich / das wirs nicht glauben.

Darumb sagt S. Petrus in der andern Episteln am. iij. Capitel / Crescite in gratia & agnitione Domini nostri, & saluatoris Iesu Christi. Wachset in der gnade vnd erkentnis vnseres Herrn vnd Heilands Ihesu Christi. Schicket euch jr Christen also / das jr nicht dencket/wir haben den Catechismum / Christum / die Sacrament / Tauff / Absolution / gar aus gelernt vnd aus gegleubt / Ir habt erst angefangen / vnd seid noch seer junge Schüler / Darumb dencket / das jr zunemet vñ wachset vnd fur vnd fur lernet / was da sey Christus vmb ewren willen gestorben / Also das solchs nicht auff der Zungen bleibe / als der Schwamm oder speichel / sondern ins hertz hinein bringe vnd gehe / das es euch getrost vnd frölich mache.

Denn

Den es solte billich der Christen leben
eitel freude vnd wonne sein / Aber wenig sind
so die freude recht erfahren / Wie wol die Chris-
sten (ob sie wol das mehrer teil grosse schwach-
heit haben) ja zu weilen einen schmack davon
haben / dadurch sie der sunden vnd tods schre-
cken vberwinden / Vnd dennoch etliche Exem-
pel solcher freude gesehen werden / Wie man
von S. Moniken S. Augustini muter liest /
da sie ein mal zum hochwürdigen Sacrament
des leibs vnd bluts Christi gieng / kam sie in so
tieffe gedancken / da sie des H. Ern Christi gna-
de vnd wolthat betracht / das sie danchte / sie
stünd gar empor vber der Erden / schrie vber-
laut / Lasset vns vollend hinauff gen Himmelfar-
ren. Solcher Christen sind viel mehr gewest /
auch junge Jungfrawen / als S. Agatha / wel-
che so frölich zum Kercker gieng / als würde sie
zum tanz gefüret. Ey liebe Agatha / kanstu
das heissen zum tanz gehen / wenn du ins Ge-
fengnis vnd zum tod gefüret wirst? Solche
Leute sind die Christen / die so frölich werden /
das sie dem Teufel wider sein schrecken vnd to-
ben / auch verachten vnd trozen.

S. Anct Vincentius / da er auff gluens-
den

den Kolen lag / vnd vmb des H^{er}ren Christi
willen gebraten ward / sagte er / Es deucht
inen / als gieng er auff Rosen. Solches sind
rechte Exempel / eines feinen / festen / starcken
Glaubens / in denen das Wort so krefftig/
vnd die Lere des Euangelij so gewaltig wird/
das sie von der Lere / nemlich das Gottes son
sey herunter auff Erden komen / vnd Mensch
worden / ganz vnd gar truncken werden / Aber
solche freude vnd stercke / fülen auch die gro-
ssen Heiligen nicht allezeit / Vnd wir andern
können fur vnserm vnglauben / zu solchem ho-
hen trost vnd krafft nicht komen / Denn wir
folgen der Erbsünd / dem bösen grund (so noch
in vnserm fleisch steckt) zu seer / Vnd ob wirs
wol gerne glauben wolten / hören vnd lesen
Gottes wort gerne / doch können wirs so hoch
nicht bringen / wie wir solten.

Die andern / als der Papst / vnd seine hei-
hen Schulen / welche sind eitel Vnkrant / die
lauffen weit dauon / Gottes wort / wird inen
wie ein faul holtz / sie verdamnen es auch zu
grund vnd scheltens Ketzerey. Wie lang sind
die von Löwen vnd Cölln damit vmbgegan-
gen / bis das sie jzt öffentlich heraus faren /
vnd

vnd verdammen die Christliche lere vom
Glauben / als Ketzerey / treiben vnd hezen Kei
ser vnd Könige / vns zu verfolgen / So wir
doch nichts anders denn Gottes wort leren /
vnd sonderlich das Heubtstück / das er seinen
Son fur vns gegeben hab. Ah / das ist ja weit
gnug dauongegangen / Dns thun alle Kotten
vnd secten / Vnd diesen sind fast gleich / vnter
vns auch / die Gottes worts vberdrossen vnd
müde werden / vnd ist jnen eben / als wenn ein
Esel einer Saw prediget / Fahen es an zu ver
achten / ja auch da wider zu zürnen / wenn es
sie ein wenig angreiffst / Suchen nur jre wollust
Taler / gelt vnd gut / fressen vnd sauffen / das
ist jre Predigt / Aber Gottes wort hören / vnd
zum Sacrament gehen / das ist jnen ein Eckel /
vnd meinen sie weren hoch beschweret / wo
sie solten dafur sorgen / vnd etwas darauff
wenden / das die Kirchen wol bestellet / vnd
das Lereamt erhalten würde.

Als aber vermanet S. Petrus / die wir
Gottes wort lieb haben / vnd gerne wolten
erdmann
gerney. W
en damit
lich heu
schihet also / das wir je lenger je lieber Gottes
wort

wort hören vnd zum Sacrament gehen / vnd
lust gewinnen Gottes gebot zu thun / Das hie
sse Crescite in agnitione Dei & Christi. Wachset
in dem erkenntnis Gottes / Lasset euch nicht
düncken / jr habts schon gar ergriffen / oder
aus gestudieret / wie auch S. Paulus von
im selbs spricht / Ich lasse mich nicht düncken /
das ichs ergriffen habe / sondern ich eile im
nach es zu ergreifen / gleich wie mich Chris
tus ergriffen hat. Denn in diesem Leben /
werden wirs doch nimer gar aus lernen.

Wie thun wir im denn (sprichstu) Die
Sünde sind vns vergeben / wie auch
die Kinder im Christlichem glauben be
ten / Ich glaube an den heiligen Geist / eine heil
ige Christliche Kirche / die Gemeine der Heilu
gen / vergebung der Sünden etc. So singen
wir auch / das allhie alle Sünde vergeben wer
den. Wo bleiben denn so viel Sünde in mir /
so sie sollen vergeben sein? So sünde in mir ist /
wie kan ich denn für Gott gerecht vnd im ge
fellig sein / Wie sol ich mich daren schicken?
Antwort / Gott vergibt die Sünde also /
das sie vns nicht zugerechnet wird / vnd nicht
mehr verdamne / wie Dauid Psal. xxxj. spricht.
Beati

Beati quorum remissæ sunt iniquitates, Wol
den Menschen/den der **HERR** die missehat
nicht zu rechnet. Aber daraus folget nicht /
das du darumb on Sünde seiest / ob sie schon
vergeben sind. Denn du fülest noch in dir
nicht hertzliche lust Gotte gehorsam zu sein/
zum Sacrament zu gehen / Gottes wort zu
hören. Meinstu aber / das solchs keine Sün-
de / oder ein Kinderspiel sey? Es schmeckt dir
als ein faul holtz / was Gott mit seinem wort/
Sacrament / vnd Tauffe mit dir thut.

Er nimpt dich an durch sein Wort/Sacra-
ment/Absolution/ so du an Christum glaubst /
vnd sagt dir zu vergebung deiner sünden. Aber
die Lektion legt er dir auff / das du deine ei-
gen schwachheit vnd vnreinigkeit erkennest / so
noch in deinem Fleisch vnd blut stecket / vnd
solches Gotte klagest / vnd teglich vmb verge-
bung bittest / Dazu auch on vnterlas / wider
dich selbs streitest / vnd den sundlichen nei-
gungen vnd lusten nicht den zaum lassst / noch
inen folgest wider dein gewissen / vnd also jmer
fur vnd fur die Sünde an dir selbs schwachest
vnd dempffest. Denn es sollen die Sünde
nicht alleine vergeben sein / sondern auch end-
lich gar ausgefegert vnd getilget / also / das

A ij auch

auch dein stinckender / schebichter Leib / nicht
in Himmeln kommen sol / er sey denn zuvor gereini-
get vnd schön worden / Darumb sollen wir
arbeiten / vnd vns beuleiffigen / das vnser
Leib in dem vnflat / stanck vnd Sünden nicht
stecken bleibe / sondern vns alhie teglich dazu
bereiten / das er anders werde / wie denn
solchs im grab geschehen wird.

Also ist es vmb der Christen leben ge-
than / das es teglich zunemen vnd wachsen
sol im Glauben vnd Geist. Denn es wird in
diesem Leben nicht volkomen sein / Sonst
dürfften wir solche vermanung S. Petri
nicht / das wir jmerdar im erkentnis Christi
zunemen solten.

Darumb soltu wissen / das dir die Sün-
de nicht also vergeben sind / das du darumb
sicher sein vnd schnarcken soltest / als hettestu
nu keine mehr / Oder das du möchtest sagen /
Ey / nu wil ich getrost sundigen / die Sünde
sind hinweg genommen / sie können mich nicht
verdammnen. Nein / sondern also soltu sagen.
Lieber Gott / du hast mir aus grundloser gna-
den die Sünde vergeben / Hilf auch / das
ich hinsurt lust zu deinem Wort vnd Sacra-
ment

ment gewinne / dich vnd deinen Son mit
danckbarkeit preise vnd lobe / das dein Na-
me durch mich geheiligt werde / dein reich zu
mir kome / vnd dein wille in mir geschehe / Als
so / das ich auch möge dahin komen / vnd ein
frölicher Mensch werden möge / alles mit liebe
vnd lust zuthun vnd zu leiden / als die heiligen
Marterer gewesen sind / die nach dem Tode /
Teufel vnd Helle nichts gefragt haben.

Darumb sind vns die Sünde nicht ver-
geben / das wir thun wolten / was vns nur
wolgefiel / Sondern also stehet Apocalypsis
am. xij. Cap. geschrieben / Qui iustificatur, ius-
tificetur adhuc magis. Wer from ist / der wer-
de noch frömer / vnd wer heilig ist / der werde
noch heiliger. Wer aber böse ist / der sey böse /
vnd wer vnrein ist / der sey vnrein etc. Sum-
ma / vnser ding heisst nicht wir habens gar
erlangt / sondern es ist vns zu gesagt / vnd
im Wort geschenckt / vnd haben es jzt wol
im glauben / aber nicht in ganzem volligen
leben vnd fülen / Darumb müssen wir nit
fort streiten vnd erbeiten / das nicht die Sün-
de / sondern der Glaube vnd desselben fruchte
in vns wachsen vnd znnemen / Wie auch S.

Paulus zum Römern am.vj. sagt. Die weil wir wissen / das vnser Alter mensch sampt Christo gecreuzigt ist / auff das der sündliche Leib auffhöre / das wir hinsurt der Sünde nicht dienen. Der innerliche newe Mensch in vns wird nicht auff eine stunde volendet / sondern sol von tag zu tag stercker werden. Darumb mus ein Christen nicht faul sein / noch sich düncken lassen / er habs alles / sondern mus wachsen vnd zunemen.

Also haben wir gehört / wie wir vns drein schicken sollen / das die Sünden vergeben sind / also / auff das sie vns nicht verdammen sollen / noch zugerechent werden / so ferne / du dich dawider legest / vnd auffss vleissigst lernest / das Vater vnser beten / den Glauben / die Zehen gebot / die Sacrament vnd die Tauffe verstehen / vnd je lenger je stercker werdest / Vnd ist darumb zu thun / das du deinen Glauben / mit widerstreben den vbrigen Sünden / in dir vbest / vnd also die Zehen gebot vnd Vater vnser je lenger je besser verstehest. Bistu heut gedültig / demütig / sanfftmutig / vnd gleybest / das du morgen noch stercker noch demütiger / gedültiger werdest / vnd mehr gleybest.

wo

Wes aber also zu gehet / das ich hab ge
hört vom Glauben / Zehen gebot / Tauffe vnd
Sacrament / gehe aber dahin / bin sicher / mei
ne / ich wisse es alles / vnd dürffe nichts mehr /
weder lernen / vben noch streiten / So thue ich
nichts mehr / denn betriege mich selbs / mit fale
schem dünckel . Denn es kan da kein ernst noch
rechter Glaube sein / Ich rede jzt nicht von
den Fromen / welche auch wol Sünde fülen /
aber (wie gesagt) derselben widerstehen / Son
dern von denen / die bereit ein Eckel fur dem
thewren wort Gottes haben . Solcher Schü
ler hat die Kirche viel / die dem Wort feind
sind / vnd es verfolgen / vnd dennoch dürffen
rhümen / Ja / ich bin ein Christ / Gleich als das
Unkraut / dauon Christus hie saget / vnter
dem guten Korn stehet / vnd brüffet vnd rhu
met sich auch des selben / das es auff dem gu
ten acker ist .

SO hören wir nu / das Gott vmb der
Sünde willen / vns wil vben in den Zehen ges
boten / Glauben / Vater vnser / das wir vns
annemen / vnd gedencken darnach zu leben /
Er wil das du Vater vnd Mutter ehren solst /
nicht tödten / deinen Nehesten nicht betriegen /
ver-

verforteilen / beliegen / noch vbel von im re-
den. Solches vbe / vnd nim deinen Glauben
vnd Gebet zu hülffe / da hastu gnug zu lere-
nen / nicht alleine solchs mit dem munde erze-
len / sondern auch mit dem Leben hernach fol-
gen / das du mit lust vnd freuden solchs thust /
vnd darob lereest / als die leideest Martyrer mit
freuden zur marter gegangen / fewrige Kolen /
Rosen geheissen.

W / das verstehen wir Christen / das in
vnserm leib vnflät / sünde vnd unreinigkeit ist /
vnd doch Gott vns rein schezet / die wir ange-
fangen an Christum zu glauben / Vnd das wir
jmer sollen fortfaren mehr zu glauben / vnd
gleich vns entsetzen / vnd sagen / Himlischer
Vater / ist's war / sol ichs glauben : das du dei-
nen Son in die Welt geschickt / vnd mir in ge-
schencket / das er fur mich hat müssen Mensch
werden / vnd sein blut vergiessen : O ja / das
hat keinen zweifel / Das ich denn weiter sage /
Ey / so wil ich mein lebtage Gott darumb dan-
cken / in preisen vnd loben / vnd nu nicht mehr
stelen / wuchern / geizen / oder ein stolzer nei-
discher Mensch sein.

Wenn ich aber rohe dahin gehe / vnd
Gottes wort von seinem Son höre / als
het

hette der Keiser den König von Franckreich
geschlagen / so ist mir da mit nichts geholffen /
Denn / wie ich gesagt habe / so du das recht
glaubest / das Gott dir seinen Son gesand
hat / so wirstu je lenger je lustiger werden / vnd
werden wie an einem fruchtbarñ bawm / je
lenger je schöner blühet draus werden.

S^Ihe / das ist vnser Lere / wie man mit
vnser eigen vnreinigung vnd Sünde handeln
sol / Die heisst kürzlich also / Gleube an Ihes
sum Christum / so sind dir deine Sünde ver
geben / Darnach were denn auch der Sün
den / lege dich dawider / zufrage dich mit inen /
las sie nicht thun / was jr wolgefellet / nicht ha
ssen noch betriegen den Nehesten / sondern im
freundlich vnd hülflich sein / Wil es dein
Fleisch nicht thun / so las es den heiligen Geist
thun. Also auch soltu dem Nehesten sein weib
vnd kind lassen / Ob nu das fleisch seine rüch
nicht lassen wil / so mustu im durch den Glau
ben vnd Geist widerstehen vnd weren. Si
hestu / das deines Nachbarn acker vnd gut
besser ist / denn deines / soltu nicht trachten /
wie du es möchtest an dich bringen / Sondern
den Geist hie lassen streiten / vnd sagen / Ich
O wil

wil dich Geiz / Neid / Hass heraus haben /
Ich füle / das du vnflät dich regest / du wolt
test gerne dich rechen / geizen / etc. Aber du
mußts nicht thun / vnd soltestu das vnglück
haben.

Also leret S. Paulus zum Römern am
v. vi. vnd. vii. Cap. mit vielen Worten / Das
die Sünde nicht herrschen sol in vnserm leib /
sie sol gar tod / vnd nichts sein. Denn darumb
wird sie auch vergeben / das sie nicht mehr
Herr / sondern Knecht sein soll / vnd nicht kon
ne schaden / Sondern das du Herr seiest / vnd
sagest zum Leibe / Du stinckest vnd bist voller
vnflats vnd böses / neids / hafs / rachsichtigkeit /
vnd böser lust / Aber du solt vnd mußt ein weil
an der Ketten ligen / vnd on deinen danck dem
Geist gehorsam sein / Du vnflät / du mußt hie
nichts schaffen / der Geist ist hie Herr im hau
se / Der sol auch die oberhand behalten / vnd
dich mit deinen lusten im zaum halten / ja auch
creuzigen vnd dempffen / Denn also sagt S.
Paulus zum Römern am. viij. Wo jr durch
den Geist des fleisches geschefte tödret / so
werdet jr leben.

Diesem Exempel nach / kanstu nu auch
verstehen / wie man sich halten sol / ge
gen

gen dem Unkraut / so da heisset / falsche Lere /
oder Kotten vnd falsche Christen (dauon dis
Euangelium sagt) Denn eben also gehets
auch in der Kirchen zu / Wir könnens nicht
vmbgehen / das wir nicht böse Buben vnter
vns hetten / als Ketzer / Kotten vnd Secten.
Denn wo gleich einer ausgerottet ist / so we-
cket dargegen der Böse geist doch andere auff.

Wie thue ich jm denn? Ich sol sie ausrot-
ten / vnd doch nicht tod schlagen. Der Papst
mit seinen Papisten vnd Jüden führen auch den
namen / als weren sie Christen / regieren vnd
leren auch in der Kirchen / vnd sind doch feina-
de Christi / vnd das rechte Unkraut / Ich wes-
re jr gerne los / Herr / sol ich sie ausreuffen
vnd ausrotten? Nein / Das ist nicht in deiner
eigenen noch einiger menschlichen macht vnd
gewalt / Vnd wirfst es doch nicht dazu brin-
gen / das auff Erden solche sonderung wer-
de / da der Weizen von dem Unkraut ganz
reingescheiden sey / das ist / Secten / Ketzer /
vnd falsche Christen / von den rechtschaffe-
nen / Vnd ob du gleich dich wolt des vnter-
stehen / so richtest du doch nichts aus / denn das
du auch die jenigen / so noch zubekeren sind /
vnd zu dem guten weizen gehören / mit aus-
rottest.

V ij

W Je

1330 **W**Je sol ich jm denn thun? **Ey**/ thue wie
das Korn thut/ las sie ein weil wachsen. **S**iehe
nur / das du herr bleibest in deinem regiment.
wehre vnd steure du Prediger / Pfarherr vnd
Zuhörer / das sie nicht regieren oder herrschen
die Kezer vnd auffrührische/ als Muzer ei-
ner war / Murren im winckel mögen sie wol/
aber auff das holzlin / auff den Predigstuel/
zu dem Altar/ soltu sie/ so viel bey dir stehet/ ni-
cht lassen kómen / Anders kan man jnen nicht
wehren / Denn wo ich einen wolt mit gewalt
ausrotten / da wachsen jr zween dargegen
auff.

DArumb mustu also gegen jnen handeln/
das du dich durchs Wort vnd Glauben wi-
der sie werest / Las dir deinen reinen Glauben/
bekenntnis vnd Christlich leben nicht nemen/
noch stopffen / Vermane vnd straffe sie/ so viel
du kanst/ Wil es nicht helffen/ so thue sie öffent-
lich in bann/ das sie jederman / als schedlich
unkraut wisse zuhalten vnd zu meiden / Vnd
summa/ wie ich zu meinem Leibe sage / Lieber
Juncker/ du woltest wol gerne stelen / huren/
dich rechen etc. das du murrest / das kan ich
dir nicht wehren / denn es steckt mir in der na-
tur.

tur / Aber dennoch mustu es nicht ins werck
bringen. Also du Ketzter auch / murren magstu
dahem im winckel / auffs holzlin soltu nicht
komen / so viel ich weren kan / oder must lei-
den / das ich vnd alle rechte Christen dir öff-
entlich widerspreche / vnd also dich faren las-
sen / wie S. Paulus zu Tito spricht / Einen
Ketzterischen Menschen meide / wenn du in ei-
nest oder zwey mal vermanet hast etc.

Das ist die rechte weise / damit wir vns
von jnen scheiden / Denn mit Menschlicher ge-
walt vnd macht können wir sie nicht ausrot-
ten / noch sie anders machen / Denn sie sind vns
damit offt weit vberlegen / machen jnen bald
einen anhang / ziehen den hauffen an sich / ha-
ben dazu der Welt fürsten / den Teufel / der sie
vnter das rechte Korn geseet hat / auff jrer sei-
ten .

Vnd sind aller dinge gleich wie die schö-
nen grossen Disteln / so vnter dem Korn ste-
hen / mit den braunen köpfen / vnd haben viel
ein herrlicher ansehen / denn das Korn / Sie ha-
ben feine grüne bletter / schöne / breite / braune
köpffe / wachsen / blühen vnd glüen daher /
wie eine schöne Meze / sind rot schön vnd

acker/dargegen das liebe Korn kein schöne
gestalt hat / sondern ganz bleichgeel im Felde
siehet / das wer beides nicht kenne / wol einen
Eid drauff schwüre / dieweil die Disteln auff
dem guten acker vnd mitten vnterm Korn ste
hen / vnd sich so dick vnd breit machen / das sie
auch oft das Korn vnterdrücken / es müsten
seer gute / nützliche Blumen vnd kraut sein.
Aber es sind nur böse stachliche Disteln / nie
mands nütze / vnd wo man sie nur angreiff /
so stechen sie einen in die hende / Disteln sind
es / vnd bleiben disteln / vnd ist nichts an jnen
zu bessern / bis so lang der Schnitter vber sie
kompt / vnd schneit sie abe / vnd wirfft sie in
pfuel / oder macht dem Teufel einen Kranz
draus / Das Korn bleibt alleine Herr im hau
se.

Also können wir die bösen auch nicht ab
le ausrotten / Denn auch oft eynliche verfürten
wider zu recht komen / vnd wenn wir sie alle
rein wolten ausgetten / so reuffeten wir sie one
schaden der andern nicht aus . Darumb mü
ssen wir sie leiden / doch nicht also / das sie
vber vns regieren / Vnd wie wir die Sünde
nicht ganz vermeiden können / alleine das wir
sie nicht sollen lassen regieren / Wir können
in als

in alten Leuten den Geitz/ noch in den Jungen
die böse lust vnd liebe nicht ganz wehren/ also
tieff steckt im fleisch vnd blut/ Aber doch sol-
len wir solches nicht lassen regieren/ sondern es
sol vns zun Füssen ligen/ Darumb sollen wir
vns in Gottes gebot vben/ vnd das Vater vn-
ser zu hülffe nemen/ bis das ich den H^{er}rn
Christum ergreiffe/ vnd er meines hertzens
freude werde.

Also können wir auch den Papst/ Papis-
ten vnd andere gottlosen vnd Rotten nicht be-
keren/ So wollen wir in doch wehren/ das sie
in der Kirchen vnter vns nicht regieren müs-
sen/ Das wil auch der H^{er}rn da mit ange-
zeigt haben/ als er sagt/ Wer ohren hat zu hö-
ren/ der höre. Das wir hie klug sein/ vnd bey
Gottes wort bleiben/ dasselbe gerne hören/
vnd nicht felschen lassen/ vnd was dem sel-
ben nicht gemess ist meiden vnd fliehen/ Denn
solcher Disteln viel sind/ die da gar rein sein
wollen/ Aber wenn sie den alten schalck gleich
hundert jar in eine kappen stecken/ so bleibt er
doch wie er gewesen ist/ vnd wird je lenger je
erger. Wie sol ich in denn thun? Sol ichs ge-
hen lassen? Nein/ weder zu dieser/ noch jener
seiten

seiten / wehre im / schlahe in nicht töd / Kempt
pffe aber mit im / Gleich wie S. Paulus zum
Römern sagt / Die Sünde sol nicht regieren
in ewrem Leibe / Du solt herr sein / nicht deine
Sünde / Denn darumb sind dir die sünde ver
geben / auff das du da wider streiten solst / vnd
das feld behalten / nicht thun was das fleisch
wil / Als / so ich sehe eines andern Weib / gelt
vnd gut / Es gefelt mir wol / Da sol ich bald sa
gen / Ich höre dich wol / du schendliches
fleisch / du kloppffst aber mal an / noch mu
stu nicht thun was du gerne woltest / Denn es
heist / Ich sol Gott von ganzem hertzen lieben /
das sein Name geheiliget vnd geehret werde.

Also thue auch wider andere / die Kotten
oder Secten anrichten / oder etwas surges
ben / das der rechten Lere nicht gemess ist / Da
sol auch der Geist wider streiten / durch reine
Lere vnd bekentnis der selben / das wir vns sol
ches nicht nemen lassen / vnd auch andere dar
bey erhalten / Also sind vnd bleiben wir rechts
schaffene / reine Heiligen / vnd der rechte gute
Weitzen / ob wir wol müssen vnter vns lei
den vnd bleiben lassen / die nichts / denn sched
liche / vnd zum feur verdampfte vnkraut / Kar
ten vnd Disteln sind / so weder Gottes wort
hören

hören noch verstehen wollen / noch nach dem
selben leben / wie jzt ist das Papstum mit sei-
nen Papisten vnd Sophisten / Cöllen vnd Lö-
uen / vnd andern des Teufels distelköpffen.

In Weltlichem regimenten gehets auch
noch also zu / das grosse vntrew vnter
Bürgern vnd Bauren ist / Die Könige /
Fürsten vnd Herrn wolten dem vbel gern
steuren vnd wehren / könnens aber doch
nicht dahin bringen. Es ist oft zu Hofe /
oder in einer Stad / ein Bube im Rat / der
die Stat in mercklich verderben füret / vnd
viel schaden thut / Vnd ob man seiner gleich
gerne los were / so hat er sich doch so hinein ge-
flochten / das man in nicht on grossen scha-
den auff ein eil absetzen kan / Oder mus etwas
anders ansehen / darumb man in leidet /
weil mans sonst nicht bessern kan / Aber doch
mus man in wehren / das er mit seinen tück-
en nicht fort fare schaden zuthun / Man könd-
te in wol bald steuren / das man in aus dem
Rat oder vom Ampt stiesse / aber nachfolgen-
den grössern vnrat zuuormeyden / mus man
kleine gedult tragen / Das kan in grossen Regi-
menten nicht anders sein / da doch grosse hül-
ffe ist.

P Also

Also hat offft ein Fürst oder Herr/einen bösen
Unterthan /bürger oder bawr/der im viel
zu wider thut / Aber wenn er in angrieff vnd
straffen wolt /so erregt er darüber empörung
vnd der gleichen / Drum mus der Fürst sa-
gen / Dem wolte ich wol steuren / Aber ich
mus den geringen kleinen schaden/ymb eines
grössern schadens willen/dulden vnd leiden.
So er doch weis/das er das schwert von
Gott habe / das böse zu straffen/Doch ymb
ergers willen / vnd grössern schaden zu verhö-
ten / mus er der bösen leuten kleinen schaden
dulden zum wenigsten ein zeit lang.

Also gehets auch im haus Regiment zu/
Ein Vater mus offft einem Son eine zech bor-
gen / oder der Herr vnd Fraw dem Knecht
vnd der Magd etwas vbersehen / auff das
sie es nicht erger machen/vnd die straffe vnter-
wegen lassen / ymb eines grössern vnrats wil-
len.

Also haben auch die Heiden gesagt/ das
man einen bösen Buben im Regiment müsse
leiden/ vnd ein tyrannischen König vnd bösen
Fürsten tragen / auff das man nicht ergere
Herrn bekomme/ Vnd sagen also/ das ymb das
welts

weltliche Regiment vnd Herrschafft gleich sey
als vmb der Menschen körper / der zween
oder drey schweren habe / Wie thut man im
dar Sol man sie ausschneiden / auff das man
ir los werde / vnd das böse hinweg kome: Nein
trawen / Denn damit soltestu wol den ganzen
Leib verderben vnd tödten / Sondern las sie
stehen vnd ausschweren / bis zu seiner zeit.
Gleich also gehets auch zu im weltlichen vnd
haus Regiment / wo man der bösen one nach
teil vnd schaden nicht kan los werden / mus
man sie dulden / bis zu seiner zeit

Vnd ist also auch beschlossen / das in der
Christlichen kirchen / die schöne Disteln vnd
Unkraut mus vnter das liebe Korn gemengt
sein / Doch also / das der Predigstuel vnd Sa
crament rein bleiben / oder je ein iglicher Chris
ten für seine Person dabey bleibe / Gleich
wie ein Fürst oder Herr / auch einen vntrewen
vnd bösen Vnterthan leidet / doch das er im
nicht nach dem Regiment greiffe / oder im
Lande Herr sein wolle / Denn das sol vnd kan
ein fromer Fürst nicht leiden / Vnd gleich wie
ein Vater seinen vngeratenen Son ein zeit
lang duldet / doch also / das er nicht Herr im
P ij hause

hause sey / noch in Gütern die vberhand ha-
ben wolle / vnd den Vater aus den gütern sto-
ffen / Sondern das der Vater dennoch Herr
bleibe. Also mus man im Kirchen regiment die
bösen auch leiden vnd dulden / allein das die
Lere rein behalten werde . So rein können
wirs nicht machen / als hettens die Dauben
erlesen / bis zum Jüngsten tage / da es
wird rein werden / vnd das Un-
kraut gar abgeschnitten /
vnd ewiglich ver-
brand wer-
den.

Die vierde Predigt.

Euangelium Matthei
am . XI .



Ich preise dich Vater vnd
HERR Himels vnd der
Erden / das du solchs den
Weisen vnd Klugen ver-
borgten hast / vnd hast es
den Vnmündigen offen-
baret / Ja Vater / denn
es ist also wolgefellig ge-
wesen für dir. Alle ding sind mir vbergeben von
meinem Vater. Vnd niemand kennet den Son/
denn nur der Vater / Vnd niemand kennet den
Vater / denn nur der Son / vnd wem es der
Son wil offenbaren.

Kompt her zu Mir alle / die jr Müheselig
vnd Beladen seid / Ich wil euch erquicken. Ne-
met auff euch Mein joch / vnd lernet von Mir /
denn Ich bin Sanfftmütig / vnd von hertzen De-
mütig / So werdet jr ruge finden für ewre see-
le / Denn mein Joch ist sanfft / vnd meine Last
ist leicht.

p iij

Das

Das ist ein schon Euangelium / vnd
hat viel dings in sich begriffen /
Aber wir wollen jzt zum teil da-
von reden / als viel wir können /
vnd Gott gnade verleihet.

Der Herr lobt vnd preiset seinen Him-
lischen Vater alhie / das er hab verborgen sol-
ches den Klugen vnd Weisen / das ist / Das
er das heilig Euangelium den Weisen vnd
Klugen nicht hat kund gethan / Sondern
den Kindern vnd Jungen offenbaret / die
nicht reden vnd predigen können / noch klug
vnd weise sein. Hiemit hat er angezeigt / das
er den Weisen vnd Klugen feind sey / vnd lust
vnd lieb habe zu denen / so nicht klug vnd wei-
se / sondern wie die jungen Kinder sind.

Wer das ist für der Welt seer törllich
vnd ergerlich geredt / das Gott den Weisen so
feind solt sein / vnd sie also verdamnen / So
wir doch meinen / Gott könne nicht regieren /
er müsse kluge vnd weise Leute dazu haben.

Aber es hat diese meinung / Die weisen vnd
Klugen in der Welt machens also / das inen
Gott nicht günstig oder gut sein kan / Denn sie
haben das herze leid / machens in der Christ-
lichen

lichen Kirchen/wie sie es selbs wollen / Alles
was Gott thut vnd macht / Das müssen sie
bessern/ Das also kein ermer/ geringer/ verech-
tiger Discipel nicht ist auff Erden/ als Gott/
Er mus aller Jünger sein/ jederman wil sein
Schulmeister vnd Preceptor sein.

Das sihet man von anbegin der Welt/ in
allen Kezern / Arius vnd Pelagius / vnd izt
zu vnser zeit / die Widerteuffer vnd Sacra-
mentierer / vnd alle Schwermer vnd Auf-
rurer / die sind damit nicht zu frieden / was
Gott gemacht vnd eingesagt hat/ Können es
nicht lassen bleiben / wie er es geordnet/ Mei-
nen / sie müssen auch etwas machen/ auff das
sie etwas bessers sein vor andern Leuten / vnd
rhümen können/ Das hab ich gemacht/ Es ist
zu schlecht vnd gering/ ja zu kindisch vnd ner-
richt/was Gott macht vnd stiftet / Ich mus
etwas darzu thun. Das ist die natur der
schendlichen weisheit auff Erden/ sonderlich
in der Christlichen kirchen / Da ein Bischoff
auff den andern / ein Pfarherr auff den an-
dern hacket vnd beißt / vnd einer den andern
hindert vnd stößt/ Wie man allezeit im Kir-
chen regiment solchs mit grossen schaden erfa-
ren hat. Dassel

Das selbig sind die rechte Meister Klüg-
linge (davon Christus hie redet) die das
Pferd im hindern zeumen / vnd nicht auff
dem wege bleiben wollen / so vns Gott selbst
furgestalt / sondern jmer etwas sonderlichs
haben vnd machen müssen / Das die Leute
darnach sagen / **Ey** / es ist nichts mit vnserm
Pfatherr oder Prediger / Das ist der rechte
man / der wirds thun.

Ists aber nicht verdrieslich / vnd solt
Gott darüber nicht vngedultig werden: Solt
er an solchen grossen gefallen haben / die im
so gar zu klug vnd weise sein / vnd allzeit in
zur Schulen führen wollen: wie in dem selbis-
gen Capitel hernach folget / Die Weisheit
mus sich rechtfertigen lassen von iren eigen
Kindern. **Ei** / es stehet fein / wenn das **Ey** wil
Kluger sein / denn die Henne / Ein schöne Mei-
sterschafft mus das sein / wo die Kinder iren
Vater vnd Mutter / die narren vnd thoren /
weise Leute regieren wollen / **Sihe** / das ist die
ursach / das allenthalben die Klugen vnd Wei-
sen in der Schrift verdamnet werden.

Der Bapst hat gleich auch also gethan /
als

als da Christus das Predigamt vnd das
Sacrament seines leibs vnd bluts bestettiget
vnd eingesagt/wie es die Christen brauchen
sollen / iren Glauben damit zu stercken vnd
zukrefftigen / Da schreiet der Bapst / Nein /
Nein / es mus also nicht sein / Es ist nicht weis
lich gehandelt / Denn sein Decret sagt / Es
sey nicht sein / das das Sacrament zu ster
ckung der Christen glaube solle gereicht wer
den / sondern es müsse ein Opfer sein / wenn
der Priester die Mess lieset / vor die Lebendis
gen vnd die Todten / Als / wenn ein Kauff
man vber Land reisen wil / so sol er zuvor im
eine Mess lesen lassen / als denn werde es im
glücklichselig ergehen etc.

Also das Gott die Tauffe hat ein
gesetzt / das ist dem Bapst ein gering ding/
vnd bey im bald verloren / vnd krafftlos
worden / dargegen machet seine Schuer
ling/die da kappen vnd platten tragen / Die
müssen mit iren Orden vnd Nioncherey der
Welt helfen / das / wer in solcher Orden
tritt / der habe ein newe bessere Tauffe / da
durch nicht allein im / sondern auch andern
Leuten (wo sie wollen selig werden) geholffen
werde / Das ist des Bapsts weisheit vnd kluge
heit



heit. Also gehets vnserm **H**errn Gott in der
Welt / das allewege was er stiftet vnd ord-
denet / das mus vom Teufel / vnd den seinen
verfert / dazu gelestert vnd geschendet wer-
den / Vnd helt doch die Welt dafur / Gott
solle jm solches gar wol gefallen / vnd gut
sein lassen / das ein iglicher Narr in meistern
vnd regieren wolle.

In Weltlichen sachen vnd regiment ge-
hets zwar auch also zu / Wie auch Ari-
stoteles dauon schreibt / das etliche Lente
sind mit grosser weisheit vnd verstand be-
gnadet / vnd nicht gemeine Lente / Als Gott
offt einen feinen / hohen / verstendigen Man
gibt / der mit weisheit vnd rat Landen vnd
Lenten dienen kondte / Aber solche flichen vor
den geschefften / vnd man kan sie schwerlich
zur regierung bringen / Aber darnach sind
andere / die wollens sein vnd thun / vnd kön-
nens doch nicht thun / Die heisset man denn
im weltlichen regiment / Naseweisen vnd
Meister Klügel. Diese schilt man seer / vnd man
ist jnen auch billich feind / Vnd mus jederman
klagen / das man fur den Narren nirgends
kan aus komen / sie sind zu keiner sachen
nütz / denn das sie nur har ein tragen / Darumb
sagen

sagen auch die Leute von inen / Hat vns der
Teufel mit Narren beschossen. Vnd Aristoteles
der solches in Regimenten gesehen / das
wenig rechter / tüchtiger Leute sind zur
Regirung / machet einen vnterschied / zwis-
schen rechten Weisen vnd Klugen / vnd an-
dern / die er nennet ^{λογα id est, opinione sua sapi-}
entes, Die sichs duncken lassen / sie seien klug
vnd weise / Gleich wie man auff Deudsch sa-
get / Der dänckel macht den tanz gut / Diese
meinen / die weil sie im Regiment sitzen / vnd
eine hohe Person furen / so müssen sie klug
sein.

Vnd ein solcher Narr im Rat hindert
die andern / das sie mit keinen sachen fort kom-
men können. Denn er wil ins Teufels namen
klug sein mit gewalt / vnd ist doch ein Narr /
So man nu solchen im weltlichem Regiment
billich feindt ist / die da wollen klug sein / vnd
sinds doch nicht / Viel mehr sind das verdries-
liche Leute / denen beide Gott vnd Menschen
billich gram sind / die in der heiligen Christli-
chen kirchen / klug sein wollen / vnd sinds nicht /
Denn diese hindern das Predigamt / das die
leute nicht zu Gott kommen können / Als da ist ge-
wesen zu vnser zeit Münzer / vnd die Sacra-

mentierer / die dem Euangelio seinen lauff hindern vnd wehren / versüeren die Leute / meinen sie sind alleine klug vnd weise / weil sie im Ampt vnd regiment der Kirchen sitzen.

Also wil auch der Papsst ein seer kluger man sein / ja der aller weiseste / allein darumb das er hoch sitzt / vnd furgibt / er sey das heubt der Kirchen / Damit in der Teufel so auffblehet das er meinet / was er nur thar sagen vnd furnemen / das sey eitel Göttliche weisheit vnd jederman müsse es annemen vnd folgen / vnd sol niemand weiter fragen / ob es Gottes wort sey / oder nicht / Wie er in seinem grossen Narrenbuch thar vnuerschempt sagen / Es sey nicht zu vermuten / das ein solche hoheit (als er sein wil) könne irren etc. Also auch Keiser / Könige / Cardinal / dieweil sie hoch sitzen / so meinen sie / das sie nicht irren noch feilē können.

EBen solche weisheit hatte Caiphas auch / da er mit den Jüden zu rat gieng / Ir grobe Narren / jr habt keine Köpffe / jr wisset vnd verstehet nichts / Ists nicht besser / das ein man sterbe / denn das das ganze Volck verderbe / Das war ein weiser kluger rat / das besser were / einen Menschen erwürgen / denn das



Das ganze Land verderben. Wie gieng aber
dieser Rat hinaus? Eben damit brachte ers
dazu/das das ganze Land verderben vnd
vntergehen müste! Also thun alle solche Na-
seweisen in der Christlichen Kirchen / vnd in
weltlichem regiment.

Das ist nu / das der Herr Christus hie
spricht / Er sey den Naseweisen feind / Er wol-
le sie nicht leiden in seiner Christlichen Kirchen/
sie heissen / Keiser / Könige / Fürsten / Doctores /
die im sein Göttliches wort meistern / vnd mit
ihrer eigen klugheit in den hohen grossen sachen
des Glaybens vnd vnser seligkeit regieren /
Solcher Exempel haben wir selb viel erfahren
in kurzer zeit / das solche Klüglinge sich vn-
terstanden einigung oder reformation anzu-
richten / dadurch in der Christlichen Kirchen
einigkeit würde / vnd solches mit kostliche
furgeben zu marckt brachten / sagten / So vnd
so sollens der Keiser / die Könige / Fürsten vnd
Herrn machen / so kundte man Landen vnd
Leuten helfen / vnd viel guts in der Christen-
heit schaffen / Aber was man durch solche
eigen anschlege vnd klugheit ausrichtet vnd
schaffet / das sihet man wol / Vnd am aller

meisten vnd alle zeit hat solche weisheit vnd
flugheit der Papsst vnd die Cardinal getrie-
ben/ so Gottes meister haben sein wollen/ vnd
selb die Christenheit regieren / Aber das wil
Gott nicht leiden / Er wil nicht Schüler sein/
sie sollen schüler sein / Er ist die ewige Weis-
heit / vnd weis wol was er thun oder lassen
wil / Sie meinen / dieweil sie oben an im Regi-
ment sitzen / darumb seien sie die Klügesten / se-
hen tieffer in die Schrift denn ander Leut/
Darumb stürzet sie Gott auch greulich / Denn
er wils vnd fans vnd sols auch nicht leiden/
vnd machets doch also / das das Euangeli-
um / den hohen vnd Weisen verborgen bleibt/
vnd regieret seine Kirchen viel anders / denn
sie gedenccken vnd verstehen / ob sie sich gleich
sich düncken lassen / sie wissen vnd verstehens
alles / Vnd weil sie im Regiment sitzen / so könn-
ne Gott ires rats vnd regierens nicht geraten.

Das Vnd lautet gleich / als sey es neidisch ge-
redt / das er eben also spricht / Ich dancke dir
Himlischer Vater / So doch gar kein neid
noch haff in seinem hertzen gewesen / Denn so
er sich selbs mit Leib vnd Leben für vns hat
gegeben / wie kond da ein neid sein? Aber der

ver-



BLB

Badische Landesbibliothek
Karlsruhe

verdruß vnd vnlust kompt daher / das die
elenden/törichten Leute/ die Göttliche Maie-
stet meistern wollen/ Das kan vnd sol er auch
nicht leiden / vnd alle frome hertzen dancken
im dasur / Denn des klügelns vnd meisterns
were auch sonst kein ende / Der Teufel reitet
die Leute / das sie aus der heiligen Schrift
vnd Gottes wort einen hohen namen / eigen
lob vnd ehre suchen / vnd mehr sein wollen/
denn ander Leute/ Aber wir solten hie sagen/
Lieber Himlischer vater / Rede du / Ich wil
gerne ein Narr vnd kind sein / vnd schweigen/
Denn solt ich das Regiment aus meiner eige-
nen witz/weisheit vnd vernunfft führen/so ste-
cke der karn lengest im drecke / vnd wer das
Schieß lang zu drummern gegangen / Dar-
umb lieber Gott / regiere vnd führe du es selb/
Ich wil mir gerne meine augen ausstechen /
die vernunfft zu thun/vnd dich allein/ durch
dein Wort regieren lassen/

Aber das kan man bey der Welt nicht er-
halten / Die Rottengeister stehen darumb
auff / suchen im gründe nichts anders / denn
das sie bey dem Volck grosse ehre haben mö-
gen / das man von iuen sage/ Das ist der rech-
te man

te man / der wirds thun / Vnd das sie sich
selb auch mit solchem thum kuzeln vnd brust
sten können / Das hastu gethan / das ist dein
werck / du bist der treffliche Man / der rechte
Meister / Das taug nu fur alle hunde nicht.
Denn rechte Prediger sollen allein Gottes
wort vleissig vnd trewlich leren / vnd des ehre
vnd lob allein suchen / Des gleichen sollen auch
die Zuhörer sagen / Ich glaube nicht an meinen
Pfarherr / sondern er sagt mir von einem an
dern Herrn / der heisst Christus / den zeigt er
mir / Auff des Mund wil ich sehen / vnd so
ferne er mich auff den selben rechten Meister
vnd Preceptor Gottes son füret.

Also würde es recht in der Kirchen ste
hen / vnd wol regieret heissen / vnd allenthal
ben einigkeit bleiben / Sonst bleibet allewe
ge der vnlust / so auch in der Welt bleibet /
Vnd wie ein Kat in einer Stat einen solchen
Narren der offte die ganze Stat ihre macht /
nicht gerne leidet / sondern stößt in daraus /
das sich auch solches das ganze Land freu
et. Also sols auch hie in der Christlichen Kirch
en zugehen / das niemands sol gepredigt oder
geleert werden / denn allein der Son Gottes /
der

in der ist allein/von dem gesagt ist / Das ist/
mein lieber Son/ Den solt jr hören / vnd kei-
nen andern Menschen / er sey Keiser / Papsst/
Cardinal. Darumb sagen wir also / Ich las
geschehen / das Keiser/ König/ Papsst / Car-
dinel/ Fürsten vnd Herrn klug vnd weise sein.
Aber ich wil an den Christum glauben / der ist
mein HERR / den mich Gott hat heissen hö-
ren / vnd von im lernen/ was rechte Göttliche
weisheit vnd klugheit sey.

DA schreiet denn der Papsst/vnd was an
im hanget/Nein/Nein/ du solt solchs nicht
thun / Du solt der Oberkeit gehorsam sein/
vnd thun was wir dir gebieten. Ja/sage ich/
das sol ich thun/ Aber sey du zuvor eins mit
dem HERRN / der alhie spricht / Es ist mir
alles übergeben von meinem Vater/ etc. Dar-
umb / lieber Papsst / Keiser / König / Herr
vnd Fürst/sare nicht so einher / Ich wil dich
gerne hören in weltlicher regierung / Aber das
du wilt in der Christenheit sitzen/ als ein Herr/
vnd gewalt haben zu schliessen / was ich
glauben vnd thun sel / das neme ich nicht an.
Denn du wilt klug vnd weise sein an dem ort/
da du ein Narr bist/ vnd dir nicht offenbart ist.

R DENN

Denn hie ist der Herr / den man allein sol
hören in diesen sachen / wie er auch hie spricht /
Niemand kennet den Vater / on allein der
Son / vnd welchen es der Son wil offen-
baren / das sind die Albern vnd einfeltigen / so
sich selb nicht weise noch klug wissen / sondern
sein Wort hören vnd annemen.

Ists nu sein Wort / das du mir furheltest
vnd gebuestest / so wil ichs gerne annemen /
wenns gleich ein jung Kind redet / oder auch
der Esel so mit Bileam redet / Vnd wil hie kein
vnterscheid haben der Personen / so solchs re-
det / sie sey klug oder ein Narr / Denn es sol hei-
ssen / vnd ist beschlossen / MIR ist alles vber-
geben / Ich bin der man / der allein leren vnd
regieren sol / trotz allen klugen vnd weisen / die
sollen jre augen blenden lassen / vnd jre ver-
nunft zu thun.

Denn vnser Weisheit vnd Klugheit in
göttlichen sachen / ist das auge / so der Teufel
im Paradis vns auffgethan hat / da Adam
vnd Eva ins Teufels namen auch wolten
klug sein / Gott hatte sie selbs geletet / vnd
sein Wort jnen gegeben / des sie sich halten sol-
ten / wo sie wolten recht klug sein / So kompt
der

der Teufel / der machets besser / that jnen die
augen zu / da sie Gott mit sahen / das sie den
Teufel nicht sehen kondten. Das ist die Plage /
so vns noch jmer anhenget / das wir ins
Teufels namen / weise vnd klug sein wollen.

Aber hie wider sollen wir lernen / was
das ist / **NIR** ist alles gegeben / Das ist / Ich
sol regieren / leren / raten / heissen vnd gebie-
ten in meiner Kirchen / Vnd hie mit bekennet
er öffentlich / das er sey warhafftiger Gott /
Denn kein Engel noch etwa eine Creatur hat
diesen rhum / das jm alles gegeben sey. Der
Teufel wolt sich wol ein mal in den Stuel set-
zen / vnd Gotte gleich sein / Er ward aber
darob bald vom Himmel gestossen / Darumb
sagt Christus / **Nir** ist alles gegeben / das ist /
Nir / **Nir** sol man gehorchen / Hastu mein
Wort / so bleib dabey / vnd sihe niemands an /
wer dich anders leret oder heisset / ich wil dich
wol regieren / schützen vnd retten Lasse den
Papst / Keiser / Gewaltigen / Gelehrten / klug
sein / Aber folge du jnen nicht / wenn jr gleich
tausent mal mehr / vnd alle viel kluger weren.
Thue du das nicht / das auch kein Engel im
Himmel thar thun / das er sich hierin der herr-
schafft

schafft vnd gewalt vnterstände / selb Flug zu
sein / oder in Gottes regiment zu walten vnd
herrschen / Vnd haben doch die elenden armen
Leute / Papst / Keiser / Könige / vnd alle Rote
ten nicht schew / sich solches an zu massen /
Aber Gott hat seinen Son zu seiner rechten
hand gesetzt / vnd gesagt Psal. ij. Du bist mein
Son / Dir hab ich alle Völcker vnd alle welt
zu eigen gegeben etc. Den solt jr Könige vnd
Herrn hören (wolt jr Flug sein) vnd jm hül-
den / als ewerm Herrn / vnd wissen / was er
euch sagt / das ichs euch sage.

Dieses sollen wir Christen lernen vnd er-
kennen (ob es die Welt nicht thun wil)
vnd Gott auch dafur danckbar sein (wie
Christus selb alhie seinem himlischen Vater
frölich dancket) das er vns so reichlich geseg-
net vnd gegeben hat / das wir in selbs können
hören. Vorzeiten weren wir gelauffen an der
Welt ende / wenn wir einen ort gewust / da
wir hetten mögen Gott hören reden / Aber das
sihet man nicht / das wir jzt teglich solchs in
Predigten hören / ja alle Bücher des vol sind /
Du hörsts daheim im hause / Vater vnd Mut-
ter / Kinder singen vnd sagen dauon / der Pre-
diger

diger in der Pfarr redet dauon/ Da soltestu die hende auffheben vnd frölich sein / das wir zu den ehren sind komen/ das wir Gott durch sein Wort mit vns reden hören.

O/ sagt man / was ist das? Predigt man doch alle tage / vnd offft einen tag viel mal / das man sich schier müde daran hören mus? Was haben wir mehr dauon? Wolan/ so fare hin / lieber Bruder/ magstu des nicht/ das Gott teglich mit dir redet / daheim in deinem hause/ vnd in deiner Pfarrkirchen / So sey nur jmer hin Flug/ vnd suche dir ein anders / Zu Trier ist vnser Herr Gottes rock/ zu Ache sind Josephs hosen / vnd vnser lieben Frauen hembde / Da lauffe hin/ verzere dein gelt/ vnd keuffe Ablas/ vnd des Papssts Trenndelmarkt/ Das ist köstlich ding/ darumb man hat müssen weit lauffen / vnd gros gelt verzieren / haus vnd hoff stehen lassen / Sind wir aber nicht tol vnd töricht/ ja vom Teufel geblendet vnd besessen/ Da sitzt der Raub zu Rom mit seinem Geuckelsack / vnd locket alle Welt zu sich mit irem gelt vnd gut etc. Da ein iglicher zu seiner Tauff/ Sacrament vnd Predigstuel lauffen solte / Denn wir sind ja damit hoch gnug geehret/ vnd reichlich geseligt/ das

R ij wir

wir wissen / das Gott mit vns redet / vnd mit
seinem Wort vns speiset / gibt vns seine Tauffe /
Schlüssel etc. Aber da sagen die rohen
gottlose Leute dagegen / Was Tauffe? Sa-
crament / Gottes wort? Josephs hosen die
thuns.

Das ist der Teufel in der welt / das die
hohe Personen Keiser / König solchs nicht
achten / vnd sich durch die Erzbuben vnd
Lügener / den Papst vnd seine pletting vnd
schürting also gröblich betriegen vnd nerren
lassen / vnd ires vnflats gar vol schmeissen /
Aber wir sollen Gottes wort hören / das der
vnsrer Schulmeister sey / vnd nichts wissen
von Josephs hosen / oder des Papsts Narren
werck.

Das ist das erste stück vom Euangelio /
wie Christus vnd Gott der Vater selbs den
Klugen vnd weisen feind ist / Denn sie im auch
grossen verdrus thun / Sie zurreissen die Sa-
crament vnd Kirchen / vnd setzen sich an seine
stat / wollen selbs Meister sein / Deren sind alle
Engel im Himmel / vnd alle Christen auff Er-
den feind / vnd sollen zu jnen sagen / Wiltu mir
Christum leren / so wil ich dir gerne zuhören /
sonst nicht / vnd wenn du ein Engel vom Him-
mel

mel werest / wie S. Paulus Galat. j. sagt /
Si quis aliud Eanugelium docuerit &c.

OB nu darob die grossen Herrn / Keiser
Bapst / Cardinal / vnd Bischoff feindlich
zürnen / thun vns in Bann / wolten vns
alle gerne brennen vnd morden / Das müs-
sen wir leiden / vnd sagen / Vmb Bapsts / Bi-
schoffs / Fürsten willen nicht gelassen. Chris-
tus sagt / Kompt zu Mir / die jr Müheselig
seid / als wolt er auch sagen / Halt euch nur an
mich / bleibt bey meinem Wort / vnd lasst
gehen was da gehet / Werdet jr darob ver-
brand / geköpfft / so habt gedult / Ich wil
euch so süsse machen / das jr's wol solt vertra-
gen / Wie man von der Jungfrawen S. Aga-
nes schreibt / da sie zum Kercker gefurt ward /
vnd solte vmbgebracht werden / war jr gleich
als gieng sie zum tanze. Wo her kam jr das?
Ey / Allein von diesem Christo / durch den
Glauben dieses worts / so er hie sagt / Kompt
her zu Mir / alle die jr Müheselig seid / Ich wil
euch erquicken. Gehets euch vbel / so wil ich
euch den mut geben / das jr noch dazu lachen
solt / vnd sol euch die marter nicht so gros
sein / der Teufel nicht so böse / wenn jr auch
auff



BLB

Badische Landesbibliothek
Karlsruhe

auff fewrigen Kolen gienget / so sols euch
dünccken / als gienget jr auff Rosen / Ich wil
euch das hertz geben / das jr lachen solt /
wenn der Türck / Papst / Keiser etc. auffs al-
ler greulichst zürnen vnd toben. Allein kompt
zu Mir / Habt jr beschwerung / tod oder mar-
ter / so Papst / Türck / Keiser euch angreiffet /
erschreckt nicht / Es sol euch nicht schwer zu
tragen / sondern leicht vnd sanfft werden /
Denn ich gebe den Geist / das solche last (so
der Welt vntreglich were) euch eine leichte
Bürde wird.

Denn es heisst als denn / so jr vmb meinen
willen leidet / Mein Joch / vnd meine Burde /
die ich euch mit gnaden auff lege / das jr wis-
set / das Gott vnd mir / solch ewer leiden
wol gefellet / vnd ich selbs auch helffe tragen /
dazu krafft vnd stercke gebe / Wie auch der xxx
vnd .xxvj. Psalm sagt / Seid getrost / alle die jr
des HERRN wartet / das ist / die jr vmb sei-
ner willen leidet / ewer eigen vnglück / Sünde /
Tod / vnd was euch der Teufel vnd Welt
dazu anlegt / Lassets alles an euch lauffen vnd
stürmen / bleibt jr aber nur getrost vnd vnuer-
zagt mit ewer harren vnd warten des HERR-
n / durch den Glauben / So habt jr schon ge-
won

wonnen / vnd sed dem Tod entlauffen / dem
Tensel vnd der Welt weit vberlegen.

SHe / das heissi nu die Weisen der welt
verworfen / auff das wir lernen nicht selbs
weise vns däncken lassen / vnd alle hohe Per-
sonen aus den augen setzen / vnd schlecht die
augen zugethan / an Christi wort vns halten /
vnd zu jm komen / wie er vns auffs freunds-
lichst locket / vnd sagen / Du bist allein mein lie-
ber **H**err vnd **M**eister / ich bin dein Schüler /
Das vnd viel mehr were von diesem **E**uan-
gelio weiter zu sagen / Aber ich bin zu
schwach / Wir wollens hie
bey bleiben
lassen.

Eine vermanung wider
die Juden.

S Nach



Ach dem ich nu ein
zeitlang alhie gewesen / vnd euch
gepredigt habe / auch nu anheim
mus / vnd villedicht euch nicht
mehr predigen möcht. So wil
ich euch hie mit gesegnen / vnd
gebeten haben / das jr vleissig bey dem Wort
bleibet / das euch ewre Prediger vnd Pfarherr
von der gnaden Gottes getrewlich leren / Vnd
euch auch gewehnet zum beten / das euch Gott
vor allen Weisen vnd Kläglingen behüten wol
le / so die Lere des Euangelij verachten / denn
sie offte viel schaden gethan / vnd noch thun
möchten.

Wer andere / habt jr auch noch die Jü
den im Lande / die da grossen schaden thun.
Nu wollen wir Christlich mit jnen handeln /
vnd bieten jnen / ersilich den Christlichen glau
ben an / das sie den Messiam wollen anme
men / der doch jr Better ist / vnd von irem fleisch
vnd blut geboren / vnd rechter Abrahams sa
me / des sie sich rhümen. Wie wol ich sorge tra
ge / das Jüdische blut sey nu mehr wesserig vnd
wild worden / Das solt jr jnen ersilich anbieten /
das

das sie sich zu dem Messia bekeren wollen / vnd
sich teuffen lassen / das man sehe / das es jnen ein
ernst sey / Wo nicht / so wollen wir sie nicht lei-
den / Denn Christus gebeut vns / das wir
vns sollen teuffen lassen / vnd an in gleuben /
Ob wir gleich nu so starck nicht gleuben könn-
en / wie wir wol solten / so tregt doch Gott
gedult mit vns.

NB istis mit den Jüden also gethan /
das sie vnsern HErrn Ihesum Christum nur
teglich lestern vnd schenden / Die weil sie das
thun / vnd wir wissens / so sollen wir es nicht
leiden / Denn sol ich den bey mir leiden / der mei-
nen HErrn Christum schendet / lestert vnd ver-
flucht / so mache ich mich frembder Sünden teil-
hafftig. So ich doch an meinen eigenen Sün-
den gnug habe / Darumb solt jr Herrn sie nicht
leiden / sondern sie weg treiben. Wo sie sich aber be-
keren / jren Bucher lassen / vnd Christum ans-
nemen / so wollen wir sie gerne / als vnser Bräu-
der halten.

Anders wird nicht draus /
denn sie machens zu gros / Sie sind vnser
S ij öffent

öffentliche Feinde / hören nicht auff / vnsern
HErrn Christum zu lestern / Heissen die Jung-
fraw Maria eine Hure / Christum ein Huren-
kind / Das heissen sie Wechselbelge / oder wahl-
selber / vnd wenn sie vns kondten alle tödten / so
theten sie es gerne / Vnd thuns auch oft / son-
derlich die sich vor erkzte ausgeben / ob sie gleich je
zu zeiten helfen / Denn der Teufel hilffts doch
zu lezt versiegeln / So können sie die Erkhten
auch / so man in Welschland kan / da man ei-
nem eine giffte bey bringet / dauon er in ei-
ner stund / in einem Monat / in einem Jar / ja in
zehen oder zwenzig jahren sterben mus / Die
Kunst können sie.

Drumb seid vnuerworren mit jnen /
als mit denen / die da nichts anders bey euch
thuen / denn das sie vnsern lieben HErrn Jhe-
sum Christum grewlich lestern / stehen vns nach
leib / leben / ehre vnd gut. Noch wollen wir die
Christliche liebe an jnen vben / vnd vor sie bitten /
das sie sich bekeren / den HErrn annehmen / den
sie vor vns billich ehren solten / Welcher solchs
nicht thun wil / da setze es in keinen zweiucl / das
der ein verböster Jude ist / der nicht ablassen
wird

wird Christum zu lestern / dich aus zu saugen/
vnd (wo er kan) zu tödten.

Darumb bitte ich / wollet euch fremb-
der sünde nicht theilhaftig machen / Ir habt
gnugsam Gott zu bitten / das er euch gnedig sey/
vnd ewer Regiment erhalte / Wie ich noch teg-
lich bete / vnd tücke mich vnter dem schirm des
Sons Gottes / Den halte vnd ehre ich fur mei-
nen Herrn / zu dem mus ich lauffen vnd flic-
hen / wo mich der Teufel / die Sünde / oder an-
der vnglück ansicht / Denn er ist mein schirm / so
weit Himmel vnd Erden ist / vnd meine Glückhe-
ne / darunter ich krieche vor Gottes zorn / Dar-
umb kan ich mit den verstockten Lestern vnd
Schendern dieses lieben Heilands / keine ges-
meinschaft noch gedult haben.

Das hab ich als ein Landkind euch zur
warnung wollen sagen zur letzte / das jr euch
frembder Sünde nicht theilhaftig macht / Denn
ich meine es ja gut vnd trewlich / beide / mit den
Herrn vnd Vnterthanen / Wollen sich die Jüden
zu vns bekeren / vnd von irer lesterung / vnd was
sie vns sonst gethan haben / auffhören / so wol-
len wir es inen gerne vergeben / Wo aber nicht/
so sollen wir sie auch bey vns nicht dulden noch
leiden.

S iij



Faint, illegible text, likely bleed-through from the reverse side of the page. The text is arranged in several lines and appears to be a formal document or letter.



BLB

Badische Landesbibliothek
Karlsruhe

Gedruckt zu Wit-
temberg durch
Hans Lufft.

1546.



BLB

Badische Landesbibliothek
Karlsruhe

Gebrüder in
Königsberg
1741



Q 1774 20



